


御題永樂大典


卷一萬一千三百十二
之一萬一千三百十三

1474

I 3.



題倪思重明節館伴語錄



重明館伴紀倪思序語無非飾

強詞稱姪却私稱彼虜

宋高宗致書金朝自

稱為姪而倪思此書稱至為虜外附於人以求免禍而私逞其詆嫚自欺欺人不顧後世之非

笑亦何益哉

畏人反詡畏吾儀豈誠強

屈弱伸也

時宋人甚畏金人而此錄可載藉自誇至使之畏宋且如射之

一事重俗所為彼東南文弱之人豈能相勝願
盛稱與使較射屢中多見其不知量而其自序
乃云強者屈而弱者伸不亦深可笑乎 祇以言游利啗


之 是錄紀使者接見 見益無一語切要惟每日
與之款洽周旋 及飲饌餽遺之類實亦無

重 閑 輕

南渡偷安顏特腆千秋殷

筆慎哉斯

乾隆癸巳清和御筆



永樂大典卷之一萬一千三百十二

十罕

館

館待

記纂淵海見人不能館。不問其所舍。禮記晉鄭同儕。其過子弟。固將禮焉。左僖二十四年。若出於陳鄭之間。共其資糧。扉屨可

也。左僖四年。展喜曰。寡君聞君親舉玉趾。將辱於敝邑。使下臣犒執事。左僖二十六年。燭之武曰。若舍鄭以為東道主。行李之往來。共其乏困。僖三

十年。鄭商人曰。不腆敝邑。為從者之淹。居則具一日之積。行則備一夕之衛。僖三十三年。鄭皇武子曰。吾子淹久於敝邑。唯是脯資餼牽竭矣。同上

賓至如歸。無寧菑患。左襄三十一年。更舍上舍。史記秦紀。飾厨傳稱過客。西漢宣紀。今有貴客。為具召之。司馬相如傳。夫妻治具。灌夫傳。厚具樂飲。

陸賈傳。以惡草具進。陳平傳。並西漢館穀底寧。白帖。修薄具。以自設。分君。曾不肯乎。顧臨。司馬相如。長門賦。重客至矣。授館致餼。柳文。荆南舊有五

花館。待賓之上地也。故蔣肱。上成。納詩曰。不是上台憐。姓字五館伴。花賓館。敢從容。南郡新書。貧家何以娛客。但知抹月批風。東坡

倪思承明集重明節館伴語錄序 左丘明傳春秋載列國應對賓客之辭甚詳。蓋事之委曲。非文辭不足以宣其意義。理所在。強者屈而弱者伸。則威力有所不行。豈不甚可貴哉。中興講和好。務大體。厭生事。於是館伴接伴與夫使虜皆有語錄。而虜亦仰體聖朝。無愛南北之意。懼其臣以口語輕啓釁端。故正使皆用同姓。推魯之人。相與應對。不過唯喏。輔行多中原士族。或黠而稍知文義。朝廷則以閣門賓贊習於儀範。謹於言辭者。為之對。故亦無自而妄發。當紹熙初。虜之事朝廷方謹。選使尤以重厚為先。而朝廷亦重於伴客之選。故思以掖垣備數。與虜使周旋半月。不過寒暄勞問而已。畢事以語錄上。其書本不足存。然公見之儀。私覲之禮。皆斟酌舊典。無過弗及之患。後之求諸故府者。或有攷焉。嘉定己卯二月。景迂老人倪思序 紹熙二年七月。金國遣使鎮國上將軍。同簽太宗正事。上護軍。金源郡開國侯。食邑一千戶。食實封壹百戶。完顏亮。副使中議大夫。太常少卿。上騎都尉。陳留縣開國子。食邑伍百戶。路伯達。來賀重明聖節。十八日得旨。以朝請郎試中書舍人。兼侍講。兼直學士院。兼實錄院同修撰。倪思充館伴使。武德郎閣門舍人趙昂充館伴副使。尋准勅。思假朝請大夫。試吏部尚書。信安郡開國侯。食邑一千戶。食實封一百戶。賜紫金魚袋。

昂假廣州觀察使。右武衛上將軍。永嘉縣開國伯。食邑七百戶。九月初一日。思等往赤岸班荆館。迎接人使宿于館下。初二日晚。思等遣通事押人馬從物往前路迎接北使副完顏充。路伯達以下。至一更以來。一行舟船到赤岸宿泊。初三日早。思等令通事依例當面互傳思等名銜。北引接分付。得國信台旨互免傳語。只將名銜互各轉呈。次互各轉呈思等名銜訖。次令通事請充等以下受賜御筵。并傳語充等云。今日本朝忌辰。依例受賜訖。免赴坐。充等云。即容便赴。少頃同入班荆館。天使任邦俊賜御筵。吳惟忠賜酒菓。充等受賜訖。與天使互展起居狀。次與思等互展起居狀。相揖畢。三節人謝恩。次思等謝恩。次充等謝恩。及拜表訖。充等循例送天使土物訖。思等同充等陞廳對立定。各稍前。思顧充等云。國信同簽。少卿持禮遠來。跋涉良勞。此者被旨館伴。幸得參識。充等應喏。昂顧充云。國信同簽。持禮遠來。跋涉良勞。此者被旨館伴。幸得參識。充應喏。顧伯達云。國信少卿。持禮遠來。跋涉良勞。被旨館伴。再得參見。伯達云。再獲瞻見。次相揖分位。出館歸船。簇送御筵酒菓食味上船訖。據通事云。充等少間到仁和館。免赴會食。思等循例從之。次行船到仁和館擺泊。將酒菓食味簇送上船。至晚互相傳語安止。初四日早。思等與完顏充等。自仁和館行船至北

郭稅亭。兗等編排禮物進馬入城。訖。思等令通事請兗等以下赴坐。茶酒次互相傳語萬福。同入稅亭赴坐。酒行五盞畢。思顧兗云。船中莫穩便否。兗云。驟穩便。思又云。得雨甚涼。兗云。兩日前熱。出笏對立。各稍前。思等云。適承受傳旨。恐有司排辦鞍馬不甚整齊。特令宣借御前鞍馬。令使副以下騎坐。兗等云。感皇帝恩。相揖畢。收笏上馬。同行入餘杭門。次都亭驛。相揖分位下馬。思等令通事傳語兗等。欲過位動問館舍穩便否。兗等復令北引接回傳語。思等云。位中諸事足備。不煩過傳。思等循例從之。又傳語思等云。來時得朝省處分。並依去歲例。沿路在館筵宴。並免舉樂。殿筵宴樂不敢辭。初七日上壽。回歸驛御筵。十一日內宴。並告免簪花。思等具錄奏聞。并申朝廷。候指揮。次監門黃遵就賜被褥鈔鑼等。兗等受賜訖。思等令通事請兗等過位會食。兗等告免。思等亦循例從之。至晚互相傳語安止。初五日早。思等與完顏兗等互相傳語萬福。臨安府書送兗等酒食。思等令通事轉送入位。令通事引閣門說議舍人李安禮入位。與兗等相見。說朝見儀畢。出位。兗等轉出朝見。榜子詣閣門投進。至晚互相傳語安止。初六日早。思等與完顏兗等互相傳語萬福。同行馬赴朝見。出都亭驛。至嘉會門。思顧兗云。連日陰雨。今早喜得稍霽。兗云。雲漸開。思又顧兗云。同

簽庚甲多少。充云年四十二歲。次至南宮門外。思等下馬。至南宮門內隔門裏。充等下馬。相揖訖。次入客省幕次。報班赴朝見訖。出殿各歸幕次。思等令通事請充等同赴客省茶酒。充等告各就幕次供食。思等循例從之。供酒食畢。次報班赴垂拱殿茶酒訖。歸幕次對立。思顧充等云。朝見禮成。伏惟歡慶。充應喏。路伯達云。極感台念。昂顧充等云。朝見禮成。伏惟歡慶。侍宴良勞。充等應喏。次相揖各於元下馬處上馬。同行出麗正門。近都亭驛。思顧充云。館中有所闕。望見諭。充云。極感。次至都亭驛中門裏對立。馬相揖分位下馬。思等令通事轉送朝見所賜衣帶例物入位。承受劉信之等傳旨賜茶器。充銀絲竹絲茶匣各一副。伯達竹絲茶匣一副。荔枝圓荔枝各二十斤。思等令通事傳語轉送入位。充等起身祇受訖。云。感皇帝恩。次天使王師雄賜內中酒菓。充等受賜訖。思等令通事請充等以下過位排當。充等告免。思等循例從之。次思等循例送充等第一次私覲。各紫羅纈羅木綿虔布各一十疋。龍團鳳團茶各一斤。充等令北引接傳語。思等致謝受訖。次充等回答思等第一次土物。各透皆五段。毛子二段。徐呂皮一張。鹿頂合兒一箇。面油二標。茯苓一斤。紅乾肉二脚。思等先辭而後循例受之。遣通事傳語致謝。至晚互相傳語安止。初七日早。思等與完顏充等

互相傳語萬福同行馬赴上壽。出驛至便門。思顧充云。館中諸事穩便麼。充云。穩便。又云。尚書謂思貴壽。思云。四十五歲。充云。精神煞好。思應喏。至南宮門外。思等下馬。至南宮門內。隔門裏。充等下馬相揖。同行入客省。幕次。分位次。報班。赴上壽。酒畢。歸幕次。思等令通事請充等。赴客省。茶酒。充等告免。思等循例從之。次對立。思顧充等云。趨班上壽。伏喜禮成。充應喏。路伯達云。極感台念。昂顧充等云。侍宴良勞。台用。充應喏。伯達云。煞感。次相揖。各於元下馬處上馬。同行出麗正門。至都亭驛。相揖。分位下馬。次充等。令北引接傳語。泛送思等各。間道紵絲一段。大紵絲二段。紫紵絲一段。大透背一段。紫茸一段。白細毛子一段。毛綾一段。紫皂花羅一段。鹿頂合兒六箇。篋兒三十箇。徐呂皮三張。斜皮二張。紫紗大藥袋一枚。小藥袋二枚。便袋一箇。貂鼠尾帽一頂。氈帽一頂。皮手衣二副。氈手衣二副。奪玉石。鍬轡一副。面油六標。菴蓉二斤。五味子二斤。紅乾肉四脚。松子一十斤。棗一斗。林禽旋二裹。活羊一口。左都管泛送思。大紵絲二疋。大透背一疋。紫茸一疋。紫羅二疋。黃細毛子一疋。貂鼠帽一頂。活羊一口。紫羅藥袋二箇。手衣二副。面油五標。鹿頂合兒三箇。便袋二箇。徐呂皮二張。篋兒三十條。松子四斤。右都管泛送昂。大紵絲一疋。皂花綾二疋。大透背二疋。貂鼠帽

一頂。紵絲顛帽二頂。紵絲便袋八箇。棗二盤。紫羅藥袋四箇。徐呂皮六張。篋兒八十箇。鹿頂合兒三箇。面油一十合。松子二斤。紅乾肉五脚。羊羮半箇。思等先辭而後循例受之。遣通事傳語致謝書表。引接押遞五人。共送思等毛子一十段。細毛子一十段。毛羅二十段。紫皂花羅四段。青絲綾四段。徐呂皮一十張。氈帽四頂。青絲綾帽兒四箇。皮袋兒一十箇。皮手衣四副。鹿頂合兒一十箇。便袋一十箇。紅乾肉四脚。面油三十合。思等循例受之。次押伴胡樞密到驛與充等互傳名銜。天使宋瑛賜御筵。李鼎賜酒菓。思等命通事請充等以下受賜御筵。少頃充等以下過位受賜訖。充等與天使互展起居狀。樞密同思等謝坐。次充等謝坐畢。樞密與充等互展起居狀。同陞廳就坐喫茶訖。離位三節人謝坐畢。復就坐。酒行至第一盞。樞密命通事傳語充等云。被旨伴筵。幸得相陪。館中可煞倦跼。充等復命北引接回傳語云。謝差人傳示。幸得瞻際。至第三盞。承受劉信之等押賜到酒菓食味。樞密同思等并充等各少立。樞密與充等各稍前。樞密傳旨宣勸充等以下酒各一盞。充等云。感皇帝恩。躬身飲酒訖。其賜到酒菓食味。轉送入位。至第七盞。樞密命通事傳語充等云。聖恩賜宴。禮意隆厚。望體聖意。多喫酒食。充等復命北引接回傳語云。感皇帝恩。煞多喫酒食。至第九

盞。樞密通事傳語。充等云。止有此盞。且望飲盡。充等復命北引接回傳語云。疊承傳誨。酒已飲盡。御筵畢。充等循例支散三司人例物。喫湯畢。離位立。三節人謝恩訖。各降階。樞密同思等謝恩。次充等謝恩。及拜表訖。充等循例送天使土物畢。相揖分位。樞密送充等私覲。入位。次充等回荅樞密土物。出位。至晚互相傳語安止。初八日早思等互相傳語萬福訖。次思等循例送充等第一次私覲。各沉香一斤。箋香一斤。建茶盞一十隻。黑漆四星茶合一副。茶托子一十隻。走馬椀鉢一副。香壘子一副。椰子香壘子一副。犀皮四星茶合一副。減粧一副。茶筵子一十箇。分茶五十夸。建茶一百夸。充等命北引接傳語思等。致謝受訖。次充等回荅思等第二次土物。各透背一段。絨紗一段。菴蓉二斤。斜皮二張。徐呂皮一張。鹿頂合兒一箇。面油二楮。羊羝半箇。充等又泛送思等各大紵絲一段。大透背一段。毛綾一段。紫皂花羅一段。鹿頂合兒五箇。篋兒三十箇。徐呂皮三張。斜皮二張。紫紗大藥袋一箇。小藥袋二箇。便袋二箇。貂鼠帽子一頂。皮手衣二副。面油一十合。菴蓉二斤。五味子二斤。紅乾肉四脚。松子一十斤。棗一斗。林檎旋二裹。白糧米一石。西瓜二十箇。左都管泛送思等各徐呂皮二張。松子二斤。五味子一裹。便袋三箇。篋兒三十箇。皮手衣二副。面油五合。鹿頂合兒

二箇紫紗藥袋一箇。氈帽一頂。紅乾肉三脚。白毛子一段。大透背一段。紫羅一段。皂花綾一段。右都管泛送思大紫羅四段。大紫皂花羅一段。泛送昂大紵絲一段。大透背二段。大花綿紬一段。紫茸三段。毛子三段。思等先辭而後循例受之。遣通事傳語致謝書表。押遞五人。共送思等毛子一十六段。毛羅四段。徐呂皮二張。皮袋兒四箇。便袋二箇。鹿頂合兒二箇。面油四合。思等亦循例受之。至晚互相傳語安止。初九日早。思等與完顏充等互相傳語萬福。客省簽賜充等酒食。思令通事押送入位。充等起身祇受訖。令北引接回傳語思等云。蒙賜到酒菓。感皇帝恩。送到謝奏一封。託為投進。次天使馮溥賜重陽節綾羅并酒菓棗糕。充以下受賜訖。少頃思等與充等以下同行馬赴天竺寺燒香。出驛。思顧充云。昨日不得瞻見館中可煞倦跼。充應喏。昂顧路伯達云。館中莫穩便否。伯達云。煞穩便。昂又云。恐有所闕。見諭。伯達云。種種煞穩便。無所闕。行馬至三省前。伯達顧昂云。天使安康麼。昂應喏。又云。天使尚書安康麼。昂又應喏。天使尚書。即是謝深甫。次出錢塘門。至望湖樓下馬。各換窄衫。上馬。思顧充云。秋氣甚清。正宜遊山。得晴時好。充云。時暫着雨不妨。至天竺寺下馬。同行入寺。次分位承受。劉信之等押賜到沉香。思等令通事轉送過位。充等起身祇受云。感皇帝

恩。次同赴觀音殿燒香。跪拜畢。充等令北引接傳語。思等循例施絹四疋。興寺中。仍告從便。登白雲亭。思等循例從之。思等却歸幕次。充等行遠觀音殿。登白雲亭。看山茶訖。思等接見同行。思顧充云。同發瞻禮。甚至誠。充喏。次出寺上馬。同行至天竺下馬。同赴佛殿燒香。跪拜畢。充等亦循例施絹四匹。與寺中訖。同行至幕次。承受劉信之等押賜到乳糖等。思等對立。各稍前。思等傳旨。賜使人齋筵菓子。仍免謝恩。祇受。充等躬身祇受云。感皇帝恩。充等告各位喫齋食。就位分茶。訖。充等上山觀看。至絕頂。思等令通事轉送酒菓上山。傳語充等。并三節人。各從便飲酒。又下山。思等接見同行。思顧充云。登陟良勞。莫觀覽遍否。充云。煞觀覽。思又云。莫煞飲酒。充應喏。昂顧伯達云。遊山良勞。伯達應喏甚感。昂又云。煞觀覽否。伯達應喏煞好。出寺上馬。同行至冷泉亭下馬。承受劉信之等押賜到酒菓密煎等。思等與充等對立。各稍前。思等傳旨。為使人遊山頗勞。賜到酒菓。令勸使人多飲。從便觀看。已令留門。晚回不妨。充等躬身祇受云。感皇帝恩。充等告各位喫食。從便看放閘水。思等循例從之。分位供酒食畢。充等赴呼猿洞看放閘水訖。各上馬。同行至望湖樓下馬。換公裳。復上馬。同行入錢塘門。將至太廟前。思

等側傘歛容而過。至都亭驛對立馬。互相傳語安止。相揖分位下馬。初十日早。思等與完顏克等互相傳語萬福。承受劉信之等押賜到香藥酒菓。思等令通事轉送入位。克等起身祇受訖。云感皇帝恩。天使任嘉謀賜內中酒菓。克等受賜訖。思等令通事請克等赴玉津園射弓。少頃上馬相揖同行。出驛。思顧克云。昨日遊山不覺倦否。館中得歇麼。克云不覺困倦。得歇。次至玉津園。相揖分位下馬。伴射捧日天武四廂都指揮使。利州觀察使鄭彥與克等互相名銜。天使藍師古賜御筵于忠正。賜酒菓。吳惟忠賜弓箭例物。克等受賜訖。與天使互相展起居狀。相揖畢。彥同思等謝。次克等謝坐訖。彥與克等互相展起居狀。相揖畢。同陞廳就坐。喫茶畢。離位少立。三節人謝坐訖。復就坐。酒行第一盞。彥令通事傳語克等云。被旨伴射。幸得相陪。館中可煞倦跼。克等令北引接回傳語。謝差人傳示。幸得叅承。至第三盞食畢。承受劉信之等押賜到酒菓食味。彥與思等同克等各起身。彥與克等各稍前。彥傳旨賜克等御前酒菓下酒。免謝恩。祇受。克等躬身祇受云。感皇帝恩。以暫分位。換窄衣訖。再坐。至第四盞畢。彥令通事傳語。克等請繫包指訖。設交椅於瓦涼棚坐。彥射弓。克并昂及路伯達並射弩。昂第一對。後箭先射中。次彥射中。思等與彥令通事傳語。克等云。欲移堞子。

一十步。添箭作四隻。添作九花。宛等復命北引接回傳語。承傳台誨。領台旨。次移堞子。添箭添挽。訖。昂中的。再輪射間。宛方射中。次伯達射中。已上並隨射中。受賜例物。及互相勸酒一盞。賞箭一對。又再輪射間。昂復中的。次宛命北引接傳語。思等并彥云。日色已晚。告免射。思等與彥復命通事回傳語。宛等云。日色尚早。且欲觀德。更射幾對。宛等再命北引接傳語云。射禮已成。告免射。思等與彥復命通事回傳語云。領台旨。不敢再三。次思循例受賜銀碗。訖。各分位。換公裳。再坐至第七盞。彥命通事傳語。宛等云。聖恩賜宴禮意隆厚。切望多飲酒。宛等復命北引接回傳語云。感皇帝恩。已煞飲酒。至第九盞。彥命通事傳語。宛等云。止有此盞。且望飲盡。宛等復命北引接回傳語云。酒已飲盡。御筵畢。宛等循例支散三司人例物。訖。喫湯畢。離位少立。三節人謝恩。訖。次各降階。彥同思等謝恩。次宛等謝恩。及拜表畢。宛等循例送天使土物。訖。相揖分位。次思等與宛等各上馬。同行出玉津園。將至都亭驛。思顧宛云。射射不易。歸館且熟歇。宛應喏。入驛相揖分位下馬。及互相傳語安止。十一日早。思等與宛等。互相傳語。萬福。同行馬赴大宴山驛。至南宮門外。思等下馬。至南宮門內隔門裏。宛等下馬。同行至客省幕次。報班赴宴中歇。各歸幕次。承受劉信之等押賜到。

菓子思等令通事轉送過位。充等起身祇受云。感皇帝恩。次客省供白肉胡餅等。充等告各就位喫食。思循例從之。供食訖。報班再坐。宴畢。歸幕次對立。思顧充等云。侍宴良勞。充云極感。路伯達云。彼此昂顧充等云。適間侍宴甚勞。莫煞飲酒。充等云。煞感。次相揖各於元下馬處上馬。同行出麗正門。至都亭驛。相揖分位下馬。天使任邦俊賜充等以下生餼。依例折博。充等受賜訖。思等令通事請充等以下過位排當。充等告免。思等循例從之。次思回荅充等。泛送第一次土物。生白暗花羅二疋。生白木錦二疋。白紡絲一疋。生白大公服羅二疋。生白大鞞紗二疋。生桃皮絹二疋。上等建茶二百夸。花夸茶四夸。密雲龍茶一十餅。清馥香二貼。琴絃二副。打馬盤一副。黃串香二兩。心字香二兩。黑篤耨二兩。紅字香五兩。木栖油一十合。華撥一十兩。華澄茄一十兩。南鵬砂五兩。南粉三十兩。紅帶鞋二副。異樣茶一十夸。昂回荅伯達。泛送第一次土物。生白暗花羅二疋。生白木錦二疋。白紡絲一疋。生白大公服羅二疋。生白大鞞紗二疋。生桃皮絹二疋。上等建茶二百夸。花夸茶四夸。密雲龍茶一十餅。清馥香二貼。琴絃二副。阮絃二副。打馬盤一副。黃串香二兩。心字香二兩。黑篤耨二兩。木栖面油一十合。紅帶鞋二副。異樣茶三十夸。思等回荅左右都管。泛送土物。各生

白暗花羅一疋。生白素羅一疋。生白春羅一疋。生白鞞紗二疋。龍團勝雪四夸。花夸茶二夸。建茶三十夸。黃串香二兩。紅軟香二兩。黑軟香二兩。龍涎香二十餅。心字香二兩。拂手佩帶二箇。木栖面油一十合。紅鞞二副。阮絃二副。充等令北引接傳語。思等致謝受訖。至晚互相傳語安止。十二日早。思等與完顏充等互相傳語萬福。天使陳洵禮賜內中酒菓。充等受賜訖。思與充等各上馬同行。赴浙江亭觀潮。出驛。思顧充等云。昨日宴回歸館得歇麼。充應喏。充又云。館伴尚書不勞因麼。思云。不覺因倦。思又云。連日陰晴不常。適來又有數點雨。且喜得晴。充應喏。次至浙江亭。下馬分位。充等告各位茶酒。從便看潮。思等循例從之。次換窄衫。出位。承受劉信之等押賜到酒菓。思等與充等對立各稍前。思等傳旨為使人觀潮。賜到御前酒菓。令使副多飲。仍免謝恩。祇受。充等躬身祇受云。感皇帝恩。分位供酒食訖。充等循例支散弄潮人例物畢。換公裳出位。上馬間。昂顧路伯達云。江潮可觀麼。伯達云。煞可觀。昂又云。連日蒙惠土物。已遣人致謝。伯達云。甚感彼此。行至候潮門外。思顧充云。適來看潮得子細否。甚壯觀。充云。煞好看。又得晴明。看得子細。思荅云。晴色甚佳。至都亭驛中門裏對立馬相揖。分位下馬。思等循例送充等第三次私覲。各纈羅纈絹木綿虔布各

一十疋。龍團鳳團茶各一斤。建茶五十夸。究等令北引接傳語思等致謝受訖。次究等回答思等第三次土物各紵絲一段。透背二段。絨紗二段。斜皮二張。徐呂皮一張。從蓉二斤。鹿項合兒一箇。面油二椽。松子一裹。紅乾肉二脚。思等先辭而後循例受之。遣通事傳語致謝。次思等回答究等第二次泛送土物。各生白暗花羅二疋。生白紅邊羅二疋。生白中春羅二疋。生白貢靱紗四疋。建茶一百夸。龍團勝雪六夸。紅鞞二副。紅軟香二兩。黑篤耨二兩。黃串香二兩。上品龍涎香三十餅。建茶盞一十隻。黑漆茶托子一十隻。茶筴子四箇。錦圓荔枝五百顆。荔枝五百顆。琴絃五副。阮絃五副。細扇一十柄。聚扇一十柄。思回答左都管泛送第二次。生白樗蒲綾三疋。生白春羅一疋。生白貢靱紗一疋。建茶一十夸。小龍茶三餅。薰衣香一貼。黃串香一兩。心字香一兩。昂回答左都管泛送生白暗花羅三疋。生白春羅一疋。生白貢靱紗一疋。建茶一十夸。小龍茶三餅。薰衣香一貼。黃串香一兩。心字香一兩。思回答右都管泛送生白樗蒲綾一疋。生白暗花羅一疋。生白靱紗一疋。生白蓮花紗一疋。小龍茶三餅。建茶一十夸。薰衣香一貼。黃串香一兩。心字香一兩。昂回答右都管第二次泛送生白樗蒲綾一疋。生白暗花羅一疋。生白春羅二疋。生白素羅二疋。生白貢靱紗二疋。蓮

花紗二疋。小龍茶三餅。建茶一十夸。薰衣香一貼。黃串香一兩。心字香一兩。兗等令北引接傳語。思等致謝受訖。繼而思等回荅北書表。押遞共生白樗蒲綾五疋。中紅邊羅一十疋。生白暗花羅五疋。貢春羅一十疋。貢靱紗一十疋。蓮花紗一十疋。小龍團茶一十餅。上等建茶一百夸。聚扇一十柄。心字香五兩。紅靱五副。逐人到謝受訖。至晚互相傳語安止。十三日早。思等與完顏兗等互相傳語萬福同行。馬赴朝辭。出驛至南宮門外。思等下馬。至南宮門內隔門裏。兗等下馬同行入客省幕次。報班朝辭訖。各歸幕次。思等令通事傳語請兗等赴客省茶酒。兗等告免。思等循例從之。次引就幕次對立相揖。思顧兗等云。使事已畢。伏惟懽慶。兗云。甚感。路伯達云。相別有期。昂顧兗等云。朝辭已畢。成禮而歸。可以為慶。兗應喏。伯達云。皆自台庇。相別有期。次相揖訖。各於元下馬處上馬。同行出南宮門至都亭驛。相揖分位下馬。思等令通事轉送朝辭衣帶等入位。臨安府書送兗等盡儀。思等令通事轉送入位。兗等却回臨安府土物出位。監厨王德謙密賜兗等大銀器。兗等受賜訖。次押伴葛知院到驛與兗等互傳名銜。天使王德謙賜御筵符澄。賜酒菓。思等令通事請兗等受賜。御筵少頃。兗等以下過位受賜訖。與天使互展起居狀。相揖畢。知院同思等謝坐。次兗等

謝坐訖。知院與充等互展起居狀。相揖畢。同陞廳對立。思與充等各稍前。思等傳旨密賜使副以下金銀。仍免謝恩。祇受。充等躬身祇受。訖。云。感皇帝恩。次各就坐。喫茶畢。離位少立。三節人謝坐訖。復就坐。酒行第一盞。知院令通事傳語充等云。被旨伴筵。幸得相識。館中可煞倦跼。充等復令北引接回傳語云。謝差人傳示。幸得參見。至第三盞。承受劉信之等押賜到酒菓食味。知院與思等各起身。知院與充等各稍前。知院傳旨宣勸充等以下酒各一盞。充等云。感皇帝恩。躬身飲酒。訖。其賜到酒菓食味。轉送入位。至第七盞。知院令通事傳語充等云。聖恩賜宴。禮意隆厚。切望多喫酒食。充等復令北引接回傳語云。疊承傳誨。酒食煞喫。至第九盞。知院令通事傳語充等云。止有此盞。且望飲盡。充等復令北引接回傳語。酒已飲盡。御筵畢。充等循例支散三司人例物。訖。喫湯畢。離位少立。三節人謝恩畢。各降階。知院同思等謝恩。次充等謝。及拜表。訖。充等循例送天使土物畢。知院與充等互展攀違狀。相揖分位。知院送充等私覲入位。充等却回答。知院土物出位。思等泛送。充等各端硯一隻。沉香一塊。薔薇露一瓶。素馨油一合。異樣茶二夸。出格茶一十夸。上品龍涎香一十五餅。龍鳳茶一斤。充等令北引接出位。傳語思等。致謝受訖。至晚。思令通事請充等以下赴

坐。解換夜筵。充等告減作三盞。思等循例從之。少頃充等以下過位相揖就坐。酒行至第二盞食畢。各起身對立。思循例親斟勸充等酒各一盞。思顧充云。將命遠來。旬日幸得相陪。飲此一盃。還朝早膺封拜。充應喏。種種煞荷。周備昂顧伯達云。再得款陪館中。凡有不周切望。以舊嘗瞻識。伏幸闊略。自此還朝。即聽一日九遷之寵。伯達應喏云。館中諸事周備。甚感台念。思等循例送充等解換物。各白藤織鞘枕。柳木靶四事。刀子一副。紫穀子袋兒一箇。沉香壓口子金銀托裏玳瑁合兒一箇。龍涎心字香五十餅。紫春羅繡裹肚一條。紫春羅繡勒帛一條。充等復親斟勸思等酒各一盞。充等循例送思等解換物。各透背一段。紫羅勒帛一條。刀子一副。藥袋兒一箇。壓口子金鹿頂合兒一箇。並各收受訖。次相揖就坐。思等勸都管以下酒各一盞。及送左右都管茶各二十盞。上節各一十盞。中節各八盞。下節各四盞。充等却勸掌儀通事酒各一盞。及與銀絹鹿頂合兒等。至第三盞食畢。充等循例支散三司人例物訖。各起身對立。思等授充等賜同送至位次。門思等再親斟充等酒各一盞。思顧充云。再飲此盃。途中善保台重。充應喏。昂顧伯達云。遽爾言別。豈勝瞻戀。途中善保台重。充應喏。昂顧伯達云。在館凡百周全。乍別善保台重。次互相傳語安止。十四日早。思等與完顏充等

互相傳語萬福。充等裝發行李，擔杖絕，承受劉信之等賜寵鳳茶、金鍍銀合。充等受賜訖，信之傳宣使人好坐鞍馬。思等與充等各上馬相揖同行。出驛，次出餘杭門，至北郭稅亭。充等告免赴茶酒。思等循例從之。相揖分位下馬歸船。簇送酒食上船。至仁和館，供晚食訖。行船至赤岸，互相傳語安止。就船宿泊。十五日早，押伴戶部尚書葉翥送伴使顯謨閣學士袁說友、副使右衛上將軍王廉與完顏充等互傳名銜。思等命通事請充等以下赴御筵。少頃上轎，互相傳語萬福。同入班荆館。天使王德謙賜御筵。任嘉謀賜酒菓。充等受賜訖，與天使互展起居狀。翥等同思等謝坐。次充等謝坐。畢，翥等與充等互展起居狀。相揖同陞廳就坐。喫茶畢，離位少立。三節人謝坐訖，復就坐。酒行至第三盞，翥命通事傳語充等云：「被旨伴筵，幸得瞻見。且望多飲。」充等復命北引接回傳語云：「謝差人傳示，幸得瞻際。酒已煞喫。」至第七盞，翥命通事傳語充等云：「聖恩特賜餞宴，禮意隆厚。切望多喫酒食。」充等復命北引接回傳語云：「感皇帝恩，煞喫酒食。」至第九盞，翥命通事傳語充等云：「止有此盞。且望飲盡。」充等復命北引接回傳語云：「疊承傳誨，酒已飲盡。御筵畢，充等循例支散三司人例物訖。喫湯畢，離位少立。三節人謝恩訖，各降階。翥等同思等謝恩。次充等謝恩。及拜表畢，充等

循例送天使土物訖。同陞廳對立。翥謂充等云。遽爾言別。不勝依戀。途中善保。台重。充等云。違別善保。台重。思顧充等云。逾旬參陪。遽爾言別。豈勝依戀。歸途脩阻。切乞保重。充等云。在館逾旬。乍別善保。台重。昂顧伯達云。向者將命出疆。往回之間。甚荷照拂。兒子疾病。又蒙扶持。館中欸留數日。幸得相陪。自此執別。善加保重。伯達云。乍遠。幸保。台重。昂顧充等云。乍遠。善保。台重。翥并思等與充等互展攀違狀。相揖退。說友送伴前去。

永樂大典卷之一萬一千三百十二

永樂大典卷之一萬一千三百十三

十罕

館

詩文

宋謝絳上仁宗乞開內館。景德之制狀。臣聞唐室麗正史官之局。並在大明華清宮內。太宗肇造三館。更立祕閣于昇龍

門左。親飛白題額。作贊刻石于閣下。景德中。圖書寢廣。大延天下英俊之士。乃益以內帑西庫。二聖因數臨幸。加勞問。迺宿廣內。有不時之召。人人力道術。究藝文。知天子尊禮甚勤。而名臣高位。繇此其選也。往者延燔之後。編略盡。訪求典籍。是正疑文。而筆工坐集。有司引兩省故事。別館外館。以從繕寫考校之便。然直舍卑喧。民攔叢接。太官衛尉。供擬滋削。非先朝所以隆儒育才之本意。陛下未嘗迂翠蓋。降玉趾。寥寥冊府。不聞輿馬之音。曠有日矣。議者以謂慕道不薦於古。待士少損於前。士無延訪之勤。而因循相尚。不自激發。文雅漸弊。竊為聖時惜也。願開內館。以恢景德之制。吳郡志陳沈炯林屋館銘。夫玄之又玄。處衆妙之極。可乎不可。成道行之致。斯蓋寂寥窅冥。希微恍惚。故非淮南八仙之圖。賴卿九井之記。至若

崑山平圃。銀榜相輝。蓬閣仙宮。金臺崛起。南瞰胥臺。傍連飛閣。桂柱瓊軒。雲瑞銘曰。大道既隱。衆聖無門。悠悠太極。誰見玄根。祈年立泰。望仙表漢。髣髴神靈。依稀宮觀。峨峨林屋。輪奐徘徊。庭羅花鳥。室靜塵埃。范至能石澗集重貂館銘并序。嶠南風土常燠。惟桂林最善。唐人喜詠歌之。杜子美以謂宜人。白樂天以謂無瘴。然皆聞而知之者。戎昱實從事莫府。始有重著貂裘之句。乾道九年。余辱帥事。臘後大雪盈尺。苦寒如中州。一坐屢索衣。至盡用項使朔庭時所服。乃掇昱語名西偏擁鑪之室。且銘之。此獨以御冬。非所常居。故謂之館云。炎交維古義所宅。帝墉灑瀆界南伯。清淑回薄鬱以積。彼歆暉厲竄罔跡。且今大冬枋厥職。雪霽霾空風剗石。浮楹複宇謨宴息。抱陽塞向塗四隙。暉景下墮牖生白。載葺裘裳晏煖席。楚來笑言我友即。時哉燠寒絕荒迹。賓以號名尉北客。茅山志茅山曲林館碑。層嶺外峙。邃宮內映。仄穴旁通。縈泉遠鏡。尚德依仁。祈生翊命。且天且地。若凡若聖。連薨比棟。各謂知道。參差經術。跌宕辭藻。孰如曲林。獨為勁好。掩迹韜功。守茲偕老。梁元帝造陶先生朱陽館碑。昔太和中有許遠游者。乃雲霄之勝友。太虛之選客。先生規同矩合。實踵高步。曩基先構。即架胥宇。千尋危聳。憑牖以望。奔星百拱。高懸倚闌。而觀朝日。飛流

界道似天漢之橫波。觸石起雲。若竒峯之出岫。銘曰。肇彼冥默。翻成協贊。身托外臣。心同有亂。重道尊德。爰積叡衷。顧懷汾射。璽問遙通。朱陽鬱起。華構方崇。靜臺冠月。經榭迎風。嶠嶢高棟。杳靄脩櫺。極望山川。周觀京陸。碧嶂千嶺。清流萬谷。景落崖重。烟生岫復。華陽隱居。撰茅山長沙館碑。

夫萬象森羅。不離兩儀所育。百法紛湊。無越三教之境。搢紱之士。飾禮容於闈閣。耿介之夫。敷旌麾於山齋。銘曰。大哉乾元。萬物資始。皇王受命。三才乃理。惟聖感神。惟神降祉。德被歌鍾。名昭圖史。友于兄弟。敬惟西宣。言追茂實。用表遺先。敢循舊制。有革雜章。刊石弗朽。奕代流芳。周紫芝太倉梯米集。蠅館落成賦并序。靜寄老人晏坐。有室狹隘。編小。僅容吾膝。名曰蠅館。客問其所以名。曰。昔楚襄王命宋玉作小言賦。其語有之。館於蠅頭。燕於毫端。烹虱腦。膾蟣肝。會九族而同嗜。猶委餘而不殫。今吾室類是。故命曰蠅館也。冀階室穴。掃堊塗丹。治館於八月之壬子。而落成於是。月之甲寅。落成之日。喜而作賦。其詞曰。子周子生於蝸牛之國。居於坎井之間。地止一席。屋止一椽。下飲蹄涔。上窺醯天。憑蚊睫以顧眄。附蟻矐而周旋。雖偃僂以盡日。聊嬉戲而蹒跚。是曰蠅館。宅於蠅顛。念此有生。坎壈多艱。先人弊廬。載築載焚。一歲之間。十徙九遷。分窻共戶。或哀王孫。遭

嗔蒙片亦怒其顏。遽廬逆旅莫適為安。今也身為酒母。以給上官。萬蟻旋磨。電轉雷喧。量升較勺。飛塵滿前。曾不旋踵。長廊寂然。勞少逸多。歲有餘閑。男豐女妃。月有餘錢。以燕以遊。以樂吾觀。曾不知足。而猶欲渠渠廣廈。以大吾居焉。是可笑也已矣。况乃自昔佞幸專嬖。權臣擅美。富家鉅賈。高門大第。家僮五百人。步障三十里。竒禍忽作。室瞰百鬼。朝存華屋。莫掩藁裡。嗟乎人生。電忽如此。視吾舍館。豈不巨偉。於是館成而落之。主人喜甚而為之歌曰。心有天游。室生白兮。天宇雖大。何迫窄兮。爰築吾館。為安宅兮。覽觀六合。於機席兮。避陰休影。匿吾迹兮。絕交屏遊。晦吾德兮。蟻穴蜂房。以自適兮。陰鏗詩集。遊始興道館。紫臺高不極。清溪千仞餘。壇邊逢藥鈿。洞裏閱仙書。庭舞經乘鶴。池遊被控魚。稍昏蕙葉歛。欲暝槿花踈。徒教斧柯爛。會自不凌虛。會稽掇英集。沈約遊沈道士館。秦皇御宇宙。漢帝恢武功。懽娛人事盡。情性猶未充。銳意三山上。託慕九霄中。既表祈年觀。復立望仙宮。寧為心好道。直由意無窮。曰余知止足。是願不須豐。山嶂遠重疊。竹樹近蒙籠。開襟濯寒水。解帶臨清風。所累非外物。為念在玄空。朋來握石體。賓至駕輕鴻。都令人徑絕。唯使雲路通。一舉凌例景。無事適華嵩。寄言賞心客。歲暮爾來同。謝宣城集送江水曹還遠館。高館臨

荒途清川帶長陌。上有流思人。懷舊望歸客。塘邊草雜紅。樹際花猶白。日暮
有重城。何由盡離席。庾開府集入道士館。金華開八景。玉洞上三危。雲
袍白鶴度。風管鳳凰吹。野衣縫蕙葉。山中簪笋皮。何必淮南館。淹留桂樹
枝。夜光流未曙。金波影尚賒。照人非七子。含風異七花。萱新半壁上。桂
蒲獨輪斜。乘舟聊可望。無暇逐仙槎。權德之集。曉發武陽館。即事書情
清晨策羸車。嘲哢聞村鷄。行將騎吏親。日與情愛睽。東風變林樾。南畝事
耕犁。青菰冒白水。方塘接廣畦。雜英被長坂。野草蔓幽蹊。馬鹵成沃壤。枯
株發柔荑。芳樹鴛命雛。深林麝引麋。杳杳途未極。團團日已西。哲士務纓弁。
鄙夫戀蓬藜。終當稅塵駕。盟濯依春溪。岑嘉州詩集。梁州館中與諸判官夜
集。彎彎月出掛城頭。城頭月出照梁州。梁州七里十萬家。胡人半解彈琵琶。
琵琶琵琶一曲腸。堪斷風蕭蕭。芳夜漫漫河西幕。中多故人。故人別來三五春。
花樓門前見秋草。豈能貧賤相看老。一生一作一年大笑能幾回。斗酒相
逢須醉倒。句容志。李嘉祐。句容縣東青陽館作。句曲千峯暮。歸人向
遠煙。風搖近水葉。雲護欲霜天。夕照留山館。秋花落野田。征途傍斜日。一
騎獨翩翩。武元衡集。單于罷戰却歸題善陽館。單于南過善陽關。身逐
歸雲到處閑。曾是五年蓮府客。每聞胡虜哭陰山。賈島集。泥陽館作。客

愁何併起。暮送故人迴。廢館秋螢出。空城寒雨來。夕陽飄白露。樹影掃青苔。獨坐離容慘。孤燈照不開。宿孤館詩。落日投村戍。愁生為客途。寒

山晴後綠。秋月夜來孤。橘樹千株在。漁家一半無。自知風水盡。舟繫岸邊蘆。錢起集宿新里館。愁人待曉鷄。秋雨暗淒淒。度燭螢時滅。傳書鴈漸

低。客來知計誤。夢裏泣津迷。無以逃悲思。寒蛩處處啼。一本有五韻。從迷

字下云。每食皆彈缺。歸山耐杖梨。叔牙先得路。何日救沉泥。宿洞口館

或作耿維詩。野竹通溪冷。秋泉入戶鳴。亂來人不到。芳草上階生。晚

次宿預館。鄉心不可問。秋氣又相逢。飄泊方千里。離悲復幾重。迴雲隨

去鴈。寒露滴鳴蛩。延頸遙天末。如聞故國鍾。白居易長慶集題新館。曾

為白社羈遊子。今作朱門醉飽身。十萬戶州尤覺貴。二千石祿敢言貧。重

裘每念單衣士。兼味常思旅食人。新館寒來多少客。欲迴歌酒煖風塵。

宿桐廬館。同崔存度醉後作。江海漂漂共旅遊。一樽相勸散窮愁。夜深

醒後愁還在。雨滴梧桐山館秋。一桐樹館同題。堦前下馬時。梁上題

詩處。慘澹病使君。蕭疎老桐樹。自嗟還自哂。又向杭州去。杜牧樊川集題

青雲館。虬蟠千仞劇羊腸。天府由來百二強。四皓有芝輕漢祖。張儀無

地與懷王。雲連帳影蘿陰合。枕遠泉聲客夢涼。深處會容高尚者。水苗三

項百株桑。唐孟浩然集。夕次蔡陽館。日暮馬行疾。城荒人住稀。聽歌知
近楚。投館忍如歸。魯堰田疇廣。章陵氣色微。明朝拜家慶。須著老萊衣。温
州府志。樂成館中卧病懷歸。異縣天隅僻。孤帆海畔過。往來鄉信斷。留
滯客情多。臘日聞雷震。東風感歲和。蟄虫驚戶冗。巢鵲盼庭柯。徒對芳春
酒。其如伏枕何。歸歟理舟楫。江海正無波。永嘉上浦館逢張八子容詩
逆旅相逢處。江村日暮時。衆山遙對酒。孤嶼共題詩。解宇鄰蛟室。人煙
接島夷。鄉關萬餘里。失路一傷悲。李紳集宿揚州館。舟依淺岸參差合。
橋映晴虹上下連。輕楫過時搖水月。遠燈繁處隔秋煙。却思海嶠還悽歎。
近涉江濤更凜然。閑倚欄干指星漢。尚疑軒蓋在樓船。張燈集秋夜館中
醉後作。一葉驚風風已涼。華燈照夜夜何長。閩山截雲不過鴈。漲海浸
日誰為梁。北向多虞劔憂憂。南中獨望天茫茫。客亭遲還還復醉。醉裏狂
歌歌更狂。王昌齡集鄭縣陶太公館中贈馮六元二。儒有輕王侯。脫略
當世舉。本家藍溪下。非為漁弋故。無何困躬耕。且欲馳水路。幽居與君近。
出谷同所務。昨日辭石門。五年變秋露。雲龍未相感。干謁亦已屢。子為黃
綬羈。余忝蓬山顧。京門望西岳。百里見郊樹。飛雨祠上來。靄然關中暮。驅
車鄭城宿。秉燭論往素。山月出華陰。開此河渚霧。清光比故人。豁達展心

晤馮公尚戢翼。元子仍跼步。拂衣易為高。論迹難有趣。張范善終始。吾等
豈不慕。罷酒當涼風。屈伸備宜數。獨孤及毗陵。集早發龍沮館。舟中寄東
海徐司倉鄭司戶。沙禽相呼曙色分。漁浦鳴榔十里聞。正當秋風度楚
水。况值遠道傷離群。津頭却望後湖岸。別處已隔東山雲。停艫目送北歸
翼。惜無搵華持寄君。李涉集經滄川館寄使府群公。滄川水竹十家餘。
漁艇蓬門對岸居。大勝塵中走鞍馬。與他軍府判文書。唐人絕句呂溫
吐蕃列館卧病寄朝中親故。星漢縱橫車馬喧。風搖玉佩燭花繁。豈知
羸卧窮荒外。日滿深山猶閉門。清時令節千官會。絕域窮山一病夫。遙

想滿堂歌笑處。幾人緣我向西隅。歲時雜詠戴叔倫。除夜宿石橋館

旅館誰相問。寒燈獨可親。一年將盡夜。萬里未歸人。寥落悲前事。支離笑

此身。愁顏與衰鬢。明日去逢春。唐詩拾遺趙嘏。泊島磯館。風雪晴來

歲欲除。孤舟晚下意何如。月當軒色潮平後。鴈斷雲聲客起初。傍晚管絃

何處盡。犯寒楊柳遠津踈。三間茅屋東溪上。歸去生涯竹有書。別牛

中門館。整襟收淚別朱門。自料難酬顧念恩。招得片鳧騎匹馬。西風斜

上入秋原。百衲錦僧屬霆招真館。暮入招真館。清風竹外亭。壇邊逢藥

鉞。案上有丹經。掃石雲離帚。添泉葉入瓶。還因重風景。無吏挽門鈴。徐鉉

騎省集將過江題白沙館 少長在維揚。依然認故鄉。金陵佳麗地。不道

少風光。稍望吳臺遠。行登楚塞長。殷勤語江嶺。歸夢莫相妨。王珪華陽集

新館 偏箱嶺惡莫摧輪。遊子思親淚滿巾。萬里有塵遮白日。一行無樹

識新春。幽禽纔轉已催客。狂石欲奔如避人。虜酒相邀絕峯飲。却因高處

望天津。就日館 高原春霽蕩妖氛。使駟重來路始分。雖遠長安初見

日。漸親冀北已瞻雲。東風未破胡天凍。芳草應連紫陌薰。早晚旅魂還舊

幹。晨鍾一到玉關聞。望京館 一從絕漠返朱輪。便有東風逐去塵。和

氣旋成燕谷暖。使華重照蘇門新。山川如避中原執。天地應酣上國春。二

月塞亭行欲盡。初花猶未識歸人。柳河館 柳河山外日暉暉。柳色猶

枯草正腓。陰壑水聲多北注。晴峯雲影盡南飛。黃牛擁毳爭春耦。白馬彎

弧落暮圍。路入隴塵誰與問。桑間胡女避人歸。長興館絕句 風霜守

冢不知年。大類那思母愛偏。卻謝漢恩頒五餌。載命梳洗向山前。一題

白馬館 白馬荒原非路岐。征夫未起雪侵肌。鴈思水國猶南翥。人在冰

天更北馳。狂吹欲號沙四作。凍雲無賴日西垂。平生可是嗟行役。一對胡

觴亦自嗤。南海館中 嶺外經年逐斷蓬。孤吟廢館幾宵中。燈回秋壁

耿鄉夢。雨送夜潮飄海風。靖節久拋三徑樂。子雲坐漢十金空。何時征棹

一歸去。江有鱸。尊岸有風。韓魏公安陽集次韻翁監再來館中。歸老江湖。久自盟。睡餘且復對空枰。重來內閣人誰健。慣蹋天街馬不驚。已喜劉

歆分七略。尚傳韓愈誨諸生。太平潤色須公等。應許吾兼史隱名。劉公是先生集迴風館。殿翼翔空直。樓陰蔽日寬。風聲彌玉宇。仙術廢冰丸。老

檜頻成籟。相鳥不定竿。世人驚未到。六月尚清寒。臨都館。攬轡歲空盡。蕭條萬里間。向來貂已敝。此去鬢宜班。雪沒前王帳。中京契丹前王廷

也。沙連右地山。上京契丹右地也。星回陽氣復。吾亦至幾還。張三館有前歲赴舉時題字處作。羈旅關東來獻書。還曾題柱宿匡廬。自知不及

相如健。重到曾無駕駟車。漢大夫乘官車駕駟。予從淮西乘私車來。故云。暫懷印綬過家庭。車馬驂驛去路輕。自為綵衣生意氣。敢將畫錦比光

榮。自恩平還題嵩臺宋隆館。四山如畫古端州。州在西江欲盡頭。謾道江山解留客。老夫歸思甚東流。松菊壺山手自栽。二年羈宦客嵩臺。

無端却被東風誤。又作恩平一夢回。庶子領帳館寄隱。直時歸越中。離腸易感歲華催。更度龍沙望紫臺。持節不眠宵自永。聽笳無事淚空摧。

扁舟何處山陰雪。驛使他年嶺上梅。欲寄一書愁已亂。天邊應候客星來。劉攽彭城集大安病酒留半日。王守復來招不往。送酒解醒。因小飲江月

館 江驛春醒半日留。更煩送酒為扶頭。柳花漠漠嘉陵岸。別是天涯一
段愁。還館詩 步向端門足力遲。仰瞻雙闕隔襦褌。三年江海都如夢。
老態今朝始自知。下馬呼人問直廬。歸墻因讀舊時書。黃花綠葉庭槐
影。噪雀鳴蟬宛自初。次韻和王四館宿 雪殘梧竹夜猶寒。春入林花
露已團。絕境自宜仁者靜。寤歌非為碩人寬。不眠紅燭停俄頃。刻意新書
計若干。等是前賢遊集地。似君尤更覺才難。蓬萊宮闕冠雲霓。月出丹
淵日墮西。和暖時花元有信。黃昏歸翼自無迷。讀書難字存雌蜺。落筆雄
辭在碧鷄。五十衰年融過二。強顏何計可思齊。天星出屈勢闌干。五夜
傳呼禁漏殘。虎豹深沉九關遠。鷓鴣栖息一枝安。病親黃卷憐燈闇。老厭
青綾怯歲寒。長有江湖未歸夢。更將衰白鏡中看。月白天虛星斗橫。夜
深高閣勢崢嶸。恠來耳冷人聲絕。會是齋居近太清。初秋館中呈諸公
掖垣星宿上清居。金馬文章次石渠。兩定楓槐含秀爽。秋還樓閣長空
虛。上知景伯無人事。恩許黃香未見書。不柰客嘲聊自解。下流仍復愧應
璩。劉公是先生集和張景純初置館中 張也湖海士。心與迹並真。語默
或不常。時以為狂人。蹉跎太倉史。奔走京華塵。頗如喪家狗。累累敝精神。
雖游公卿間。望絕要路津。感激自上書。生當致青雲。天光回日月。聖澤熙

陽春禁林給筆札。中府紬典墳。群玉連帝居。東壁臨北辰。飛騰恠清切。寓直懷珍群。慷慨氣益道。咏歌思逾新。昔賢稽古力。利祿不足云。登瀛以為榮。襍被寧馱頻。君乃鸞鳳姿。方當極逢辰。豈若楊執戟。白頭專校文。韓維南陽集。和邵興宗再還館。莫嗟華髮尚蓬瀛。自古儒生半滯榮。學似楊雄老。添祿才如嚴。助厭承明。一簞聊喜安吾道。幾騎當知達此生。聞說東郊可携手。能來從我並鞍行。奉和喬年館宿。蓬萊仙構斗魁旁。遞直初登漢署郎。雲向城頭收暝色。月從樓角放寒光。行看砌菊嗟殘艷。坐對書芸襲暗香。景物過清渾不寐。素經讎罷得新章。時喬年校醫書沈氏三先生集。和邵興宗還館。三年重到集仙庭。却理陳編不自停。閣下舊題幾已暗。壁中遺簡尚餘青。故人擾擾誰相好。世事悠悠我特醒。坐看重雲開白日。獨搖曾翮入高冥。蘇魏公集。過新館罕見居人。引弓風俗可傷嗟。滿目清溪與白沙。封域雖長編戶少。隔山才見兩三家。又早行新館道中。經旬霜雪倦晨征。重過胡疆百感生。日上東扶千嶂影。風來空谷萬號聲。人心自覺悲殊土。物色偏能動旅情。况是天恩懷憬俗。不妨游覽趁嚴程。和就日館。戎疆迢遞戴星行。胡騎奔馳束火迎。人向萬山峯外過。月從雙石嶺間生。館之東南有雙峯山。行李將至。見月初上馬蹄看。

即三千里。客舍踰今四十程。十月五日出都。迄今四十一日矣。每念皇華承命重。愧無才譽副群情。次韻楊立之十一官府館。固無政術効前

賢。又乏詩名繼樂天。連歲出藩居善地。何時負郭有良田。回風已隔三山路。講德難階四子篇。滿目勝遊都未到。且將圖畫與人傳。予到郡值災歟

五月尚未暇遊山

楚客登臨悲素秋。感時風物自颼颼。潦收遠水清堪

鑑。雨過群山翠欲浮。月露往來羈旅恨。倉箱千萬里民謳。鬢毛衰颯歡遊

少。珍重嘉篇寫我憂

和冬至紫蒙館書事

泰時迎長日。殊方展慶杯

關山厭沙磧。星斗望昭回。月共寒更永。風隨協氣來。欲知王曆正。候律應

萼荻

使回蹉榆林。侵夜至宿館

使還兼道趣南轅。朝出沙陀暮水村。

夷落蕭疎人自少。胡天悽慘日長昏。鷓聞宿客驚如鬧。馬識歸途去似奔。

屈指開年到京闕。夢魂先向九重閣。彭汝礪鄱陽集。接伴太傅離新館。其

兄迓于途

使者乘輶至。將軍走馬迎。侏離何所語。踴躍不勝情。寓目鴻

鴈澤。傷心扶杜行。天乎非有間。我老獨無兄。清江三孔集。館中呈魯直慢

詒翁魯直自謂

日過鰲山三丈紅。陳編相對鬢如蓬。朱門請謁無時了。

且訪東隣慢詒翁

輶車館

野闊天長入望青。眼中虛豁到鴻冥。偶從

楚俗來同樂。下視湘江笑獨醒。風緊水光時蹙練。日斜山影半迴屏。扁舟

過此方年少。老矣重來鬢漸星。李忠定公集題棲真館三十六韻 武夷
古洞天。竒峯三十六。一溪貫群山。清淺縈九曲。溪邊列巖岫。倒影浸寒綠。
翩如鸞鳳翔。矯若虬龍蹙。樓觀聳岩堯。屏障互重複。蛻仙骨遺金。遊女肌
削玉。雞棲層巖巔。船挿斷崖腹。覺館存几案。仙機餘杼軸。藍光瑩澄潭。虹
影掛飛瀑。翠竹蔭天池。蒼苔封石屋。繪禽頂長丹。遺跡拍如掬。峨峨天柱
峯。幔亭連翠麓。傳聞武夷君。嘗此會仙俗。飛橋幾千丈。絕頂亘山足。障以
翠雲幘。藉以紫霞褥。瑤樽傾沆瀣。玉豆脯麟鹿。仙妃奏賓雲。金鼓間絲竹。
酒酣歌夕暉。歎息光景促。曾孫誰復在。往事空遺躅。至今風月夜。笙簫響
虛谷。地靈饒泉石。山潤秀草木。坐使七閩人。蔭此仙靈福。嗟予真散才。性
愛山水酷。仙經與地志。名字久已熟。薄宦方區區。仙賞宜碌碌。神遊先夢
寐。幽覲寄圖錄。寧知因謫宦。乃得厭所欲。沿沂窮幽深。應接勞耳目。開襟
豁懷抱。壯觀慰幽獨。却邀白雲歸。伴此巖下宿。夜寒夢兔清。曉寒輕裝速。
仙遊須再來。何當謝羈束。午暑憇夜明館。道傍清流激湍可愛。所乏者
茂林脩竹耳。火雲千丈映溪山。正是人間行路難。賴有道傍飛瀑在。噴
霜翻雪作清寒。寶氣何年夜發明。至今郵舍得佳名。我來不暇尋光景。
但愛鏘金漱玉聲。范石湖大全集題新館 露稻粘明璫。風茅袞高浪。荒

烟暗白道。行行亂蛩響。日脚午未吐。雲頭晚猶漲。欣此半日涼。籃輿走清曠。病客不堪暑。茲行天肯相。蚤蚤掃無跡。秋意滿千嶂。稍尋泉石盟。略褫簿書障。鵠原定相念。因風報無恙。秦觀游淮海集次韻宋履中近謁大慶退食館中。翠華初到殿中間。三館諸儒共一班。迎謁曉廷清蹕近。退穿春仗綵旃閑。病來怕飲東西玉。老去慚陪大小山。知續春明退朝錄。借觀當奉一鷓還。汪藻浮溪集宿招賢館。兒時客衢州。嘗過招賢館。主人敬愛客。置驛極安便。堂前花作屏。堂後竹成援。人來銅步嶺。路異玉山縣。回頭四十載。興廢眼中見。重尋舊館盟。井迳無復辨。沉吟茂林缺。悵望佳石轉。道逢里監門。歎我曾識面。白頭相勞苦。語已涕雙泫。破屋為少留。天寒雨如綫。王安石臨川集信州回車館中作。太白山根秋夜靜。太白山。在剡縣。公之舊遊也。亂泉深水遠床鳴。鄭谷詩。向蜀還秦計未成。寒蛩一夜遠床鳴。病來空館聞風雨。恰似當年枕上聲。當年。指太白山。李義山。君問歸期未有期。巴山夜雨漲秋池。何當共剪西窗燭。却話巴山夜雨時。山木漂搖卧弋陽。去州西一百里。縣名也。張祐有題弋陽館詩。不知即是此館否。詩云。一葉飄然下弋陽。殘霞昏日樹蒼蒼。吳溪漫漶干將劍。却是猿聲斷客腸。因思太白夜淋浪。芭蕉一枕西窗雨。一作西窗一榻芭蕉。

雨復似當時水遠床蘇穎濱集會仙館北嶂南屏恰四周西山微缺放
溪流胡人置酒留連客頗識峯巒是勝游嶺上西行雙石人臨溪照水

久逡巡低頭似愧南來使居處雖高已失身建德館龍眠淨淥中微
吟作雲雨幽人建德居知是清風主蘇子美集獨遊曹天園館因寄伯玉

去年把酒共裴回今日尋幽獨此來竹密似嫌閑客入梅含應待主人
開贊謀盛府方投刃捍患長隄正展才早晚得歸如舊約伴君池上倒尊

壘李跨鼇先生集漢源館消熱層冰遠投涼嘉樹稀雨晴蕭洒去夢與
沉寥歸禽靜谷無語雲生山有衣路行知水好終不療長飢一曉發射

洪循江而行書二詩州堆館少健有力入雲耕耕雲不怕山重重歲時
伏臘追社集照水自愛雙頰紅三十餘年廢田舍芋魁豆飯忘迺翁誓歸

復講舊生計無謂吾不如老農翠麥鋪茸不罅土白白紅紅花日許我
行未盡天之涯馬足輿肩已辛苦時名入手無一掬昔年虎章今化鼠疾

歸灌畦蔬換肉無謂吾不如老圃趙清猷公集賦曲館日華烘玉甃烟
縷亘雕甍棗熟房攏暝花妍院落明醉輕春有味夢短晝無情欲識惜惜

意回文織已成又題祠館德澤涵濡得二難百年祠館見遺安蒼蒼
一片墳臺石留在行人下馬看真西山集題來青館軒窗幽雅主人亦好

事不俗遺。余二詩頗可喜。故書此以遺之。客夢成時夜向闌。幽泉挾雨響潺潺。清魂便覺超塵世。何況貞栖巖石間。趙蕃淳熙藁公擇客於玉山。簿尉之館。忽有挽為宜黃之行者。公擇過余謀之。作詩呈公擇。兼簡簿尉。我裾未洗閩山土。君駕柴車過茅宇。相從僅作一夕留。冒雨衝風何自苦。如君人才豈終滯。瑚璉要為清廟器。宜黃玉山俱作客。近湜何殊遠居易。我貧不得為君謀。恐君遠適關我憂。作詩寄示三徑將。併簡平生顧曲周。陳古靈集。使還咸熙館道中作。土曠人稀使驛賒。山中殊不類中華。白沙有露鴛鴦泊。芳草無情妯娌花。檀館夜燈眠漢節。石梁秋吹動胡笳。歸來攬照看顏色。斗覺霜毛兩鬢加。張舜民畫墁集題豆館。關頭日落薄衣襟。又對叢蘆擁鼻吟。塵土十年纏馬足。只憑雙鬢照歸心。陳了齋集寄題黃及之谷神館。昔日傳聞太上御。名館新標名。今已幾經春。心安即是長生路。世樂無過自在身。虛室久扃閑歲月。白頭不減舊精神。蓬萊未要香山客。且作潛溪百歲人。王十朋梅溪集同襟館。安道家何處。溪山深更深。扁舟不憚遠。得得訪同襟。司馬溫公傳家集。和王道粹春寒趨館馬上口占。殘臘尚要春。清寒更著人。雪華猶惜別。物意倍添新。雲壓宮城重。風調玉漏勻。行遊宜結轡。九陌未多塵。曾丰摛齋集。張行甫許舍

五羊館俸之厚。俯而就薄。來晉康相親為學生師。遣介迎候。賦詩速行。出入交戰。以義肥。卜商先覺。後弗違。上下交征。以利危。惠王後悔。終何追。義利之差。一毫爾。其繆遂至於千里。不差。不繆。今誰氏。嶺外眼中有之子。彼門如市。挽不留。吾心如。水從之遊。自能下學。學箕裘。相期上對對。冕旒。挑兮撻兮。小豚犬。匡之直之。古墳典。鑄鐵肯捐舟。九轉。化龍寧吝墨。一點。朱晦菴集宿石岳館。春江日東注。我行溯其波。揚帆指西溼。兩岸青山多。青山自逶迤。飛石空差我。綠樹生其間。幽鳥鳴相和。牽篷聘遐眺。擊楫成幽歌。獨語無與晤。茲懷竟如何。停驂石岳館。解纜清江濱。中流擢歌

發。天風水生鱗。名都固多才。我來友其仁。茲焉同舟濟。詎止胡越親。舞雩諒非遠。春服亦已成。相期豈今夕。歲晚無緇磷。次秀野滄波館。傳聞泛宅賀新成。破月衝烟取次撐。鷓首斜飛浪急。蓬窻側轉好山橫。知公興有江湖迥。顧我詩無玉雪清。欲跨船舷還未敢。幾時得伴鏡中行。文潞公集送劉推官歸冶源棲真館。高情樂幽趣。遂與塵事違。巖谷久潛昭。魚鳥知忘機。方邀粟理會。却指冶源歸。借問歸何處。山中芝木肥。汶陽館去歲營船隩。今朝館汶陽。海空沙漠漠。河廣草茫茫。家國哀千古。男兒慨四方。老槐秋雨暗。孤影照琳琅。楊誠齋集宿潮州海陽館夜不寐。醉

來還睡睡還醒。長是三更夢便驚。細數更聲有何益。不然作麼到天明。
臘前蚊子已能歌。揮去還來柰爾何。一隻攪人終夕睡。此聲元自不須多。
續朝天集。晚泊丹陽館。夕凍朝還積。寒曦暖未多。霜輕猶著草。冰薄亦
浮河。山盡酣餘勢。潮歸殿去波。六朝遺跡在。故老尚傳麼。江湖集。蜀士甘
彥和寓張魏公門館。用予見張欽夫詩韻作二詩見贈。和以謝之。說着
岷江士。未逢眉已申。慙慙來相府。邂逅得詩人。不是曾中別。何緣句子新。
談今還悼者。喜罷反悲辛。夜把新詩讀。燈前闔且開。一行私獨喜。兩脚
不虛來。天似嫌梅晚。冬初遣雪催。與君問花信。能繞百千回。黃裳演山集
雲門館。冥冥出世既云往。急急度人還復來。會當為物落城市。誰探北
扉開未開。下視東秦在諸掌。一念已到非蓬萊。與子邂逅固有分。况是曾
臆無纖埃。白玉蟾武夷集題棲仙館。好松好竹好溪山。車馬駢闐自往
還。行客聞簞新酒白。入門踏破嫩苔班。我言物外清幽地。却似塵中闌闌
間。穀粟桑麻空潤屋。主人陪接不曾閑。張元幹歸來集瑤真館。廣陵祠
裏尋常見。又向山陽樓外開。須信月明風露下。飛仙玉節有時來。馮太師
集題辰陽館。辰陽號難理。五溪地相跨。邊臣重綏撫。蠻獠愈驕詐。封陞
苦侵暴。文書困譏罵。誰為大守樂。一笑不得暇。張公杭辰旆。烽障幾欲罷。

偃息有餘地。登臨無一舍。廼興辰陽館。城東兩山勝。泉聲落溪谷。湖光照
亭榭。花木親種植。朋僚日追迓。投壺征虜祭。圍碁太尉射。高風邈難繼。維
公並驅駕。有客嘗一至。席叅鄒枚亞。覽物言思闊。醒魂耳目乍。欲記傳之
久。恨無文章價。願公賁泉石。遊宴日來藉。新詩上碑刻。佳景若圖書。旦暮
趣召還。歸為中州詫。陳季陵太倉梯米集蠅館。晨起効柳子厚詩。拂席
坐清晨。幸脫塵事窘。聊焚石鼎薰。細誦華嚴品。從迷索初心。悟意嗟歲晚。
庭蕪日延蔓。零落費鋤墾。何當略邊幅。乃成窮奧閫。餘年儻無恙。願就一
廛隱。悠悠藉至言。廓廓窮妙本。會須師瞿曇。未足慕嵇阮。安熙默庵集寓
館秋日即事。多病筋體久痺頑。紫荊終晝掩重關。詩書詎可資耕釣。杖
屨元非絕往還。莫遣浮雲蔽白日。儘教秋色對南山。平生願學程夫子。慙
愧春風滿座間。修真道館。龍山古靈境。連峰鬱蒼蒼。林谷四環合。脩
真據其陽。恠石流通泉。洞府餘清涼。傑閣聳竒觀。煙霏恣微茫。眷予平生
心。丘壑真膏肓。今朝定何朝。遂愜棲雲房。晴嵐染衣襟。頓覺塵慮忘。矧爾
羸疾拘。快若脫繫韁。月高風露清。空明渺銀潢。蓬萊信非遠。何處求仙鄉。
晁無咎鷄助集次韻文潛館中作。蓬山前臨九軌路。三日街晴紫吹土。
直廬鑿牖面宮垣。青壁嶄嶄看垂雨。殿閣風斜碧瓦寒。翅濕蒼鷺不能乳。

却思窮巷亦可言。一掃蚊虻通昔苦。鬱蒸書課未須忙。午漏傳休聽天語。傳
宣暑伏午後罷校讎。平生豪氣對樽酒。山鷄見鏡猶能舞。城南寺近晚堪
過。笙歌涼月聞千戶。但憂伏日細君湏。割肉無緣待歸俎。葛元承詩集煙
雨館。輕暑著人疑酒困。賣花聲轉賣櫻桃。湖光靜漾半簾影。燕子日長
風絮高。紅白桃花褪半梢。綠陰清淺未全交。櫓搖遠岸日相射。扇落閑
階風自敲。湖接青林一帶回。光浮玉鏡半奩開。塔峯對起飛雲泊。時有
斷煙殘雨來。酒杯光動柳梢月。衣袖涼生蘆葉風。露坐夜深醒似困。釣
船人語過湖東。湖波漾日亂簷花。人影天光帶落霞。衣岫淺寒楊柳陌。
醉歸閑數欲栖鷗。臘月二日煙雨館。天上飛花報歲寒。西風相挾引
攔干。平湖不認花多少。只作尋常煙雨看。三日雪後飲煙雨館。傍湖
千樹玉參差。湖面輕風落釣絲。晚色晴陰正商略。斷雲來去半猶癡。旋
融殘雪點團茶。碧淨紅鮮朵上花。客散亭閑半湖水。月梳斜掠晚晴霞。
煙雨館晚對。一片斜陽天北角。半痕初月水東彎。浮煙更擁雲峰起。全
似西湖遠近山。余直卿詩集偕懋卿過煙雨館。社飯聚朝餐。春茶醒宿
醒。一枕一卷書。愛涼尋幽行。北鄰橋門客。行行難弟并。庭草芳未歇。湖水
寬欲平。西風清入懷。拂我衣裾輕。飛鳥渺天末。白雲粲英英。軒東正新甃。

曲檻話深情。叢叢鳳兒花。鷄冠立亭亭。軒東正新甃。有似擊壤聲。為言今年秋。父老歌可聽。嘉禾接吳會。黍稷登繩繩。舒此畎畝忠。且以慰飄零。君歸語伯氏。燈火新涼生。王君實臞軒。集除夜共將力。父有秋宿南浦館。客裏逢年酒半醺。篝燈課了送窮文。對床共聽巴山雨。入夢休思巫峽雲。好整衣冠朝北闕。新栽桃李屬東君。平明各把菱花看。黃上眉間已十分。

寄林少忠。因為家叔再留之館。擇師難似擇良醫。爭得竒切指俗迷。每羨君才如扁鵲。能為後學發醯鷄。作文須有奪胎法。卜惑先須刮膜篋。子姪明年看骨換。所求不止在刀圭。年來師道孰知尊。溫飽何緣得免君。鴻鴈暫為梁稻計。牛羊誰為牧芻勤。琴書到處聊娛目。羽翼生時要薄雲。我偶書田收一熟。向來正亦病人芸。送林日升景高之毗陵傅氏館。

情好相投歲月深。那堪天外話離襟。京華濁暑鄰三伏。荆水清風直萬金。鴻鴈稻梁聊老計。蛟龍雲雨有初心。三年名遂榮歸去。椿桂堂前候好音。周衡之此山集為西山王君教授吾里。寓館湫陋。形於詠歌。次韻勉之。淵澄不生瀾。鑑明不受塵。人心有天游。何者非吾隣。之子老編剡。寸晷不廢勤。竭來寓環堵。湫隘趣乃真。胡為自町畦。戚戚愁朝曛。目擊道所存。朽腐生竒芬。欠伸屋打頭。日與學者論。重携鄭老羶。妙斷逞匠斤。阮籍強

就吏出處貴有因。吾徒亦何心。龍蠖從屈信。士窮則守道。既達則致君。莊
馬謖恩越。范睢偶歸秦。藜床老遼東。嗟我彼何人。揚冠鄉客亭。類藁麻姑
之東。涉千堆壠。至射亭宿黃氏新館。宴宇新成。苦未嘉。忽膺朝委。易軍
牙。張侯暫喜留歡客。開檻憑誰種好花。北沼不難平釣岸。釣岸未成西峯
猶欠入。窓紗。城樓未立。後賢政敏多餘暇。高會何妨月影斜。李端叔姑溪
集夜投臨穎。陸周仲館待甚悉。冥行眼忽明。乃是到臨穎。倦馬倚風嘶。
凍僕望門逞。初非敢此期。勢逼豈容頃。是身雖無難。從者固當省。主人頗
料理。燈燭分炯炯。熾炭解噤頤。重帷護寒領。招魂幾剪紙。感惠非尚裝。粲
然一笑開。郝復嗟斷梗。我生且落莫。隨遇輒自警。轉眄已歸空。區區徒畫
餅。李公明詩集。過脩誠館。大乾脩誠館。壁間有詩云。行路難如此。吾生何
太非。風塵雙鬢改。世事寸心違。日落水東注。天寒鴈北飛。我無家可住。不
是故忘歸。此紹興中宗所作。失其名矣。余少時誦而悅之。每過必一觀。此
館乃先祖奏名公謁神齋沐之地。歲月悠遠。四壁零落。將就頽毀。慨然增
懷。因用其韻。敗館冷如許。修誠志已非。風光不曾改。人事故相違。寸碧
雪山出。箏喧風葉飛。傷心舊時月。長是送人歸。華鎮雲溪居士集。晚宿張
三館。即朱遷鎮。藍輿薄暮息烟村。回望葱葱認九門。自喜青樓無別恨。

不妨孤館欲黃昏。王炎雙溪類藁次韻楊秘監館中留題。把杯方喜挹
流霞。照眼驪珠重拜嘉。庭下滿生書帶草。曾中宜吐筆頭花。敢言策足攀
賢躅。獨幸游心泳聖涯。誰謂蓬萊雲氣遠。此中清閔即仙家。紅塵飛不
到壺天。風月幽懷屬老仙。自笑枯腸無好語。且呼黃妳曲肱眠。郝經陵川
集二月二十三日。猶在儀真館三首。向晚日華紫。殷然轟夜雷。龍蛇開
蟄窟。桃李動春臺。淚逐催花雨。心同發火灰。何由復龍動。百感坐中來。
一年淹使節。二月駭春雷。瘴入江心黑。雲銜雨脚灰。壯心還激烈。滯氣忽
騫開。明日誰聊賴。鶯花故惱來。二月還如夏。炎蒸鬱震驚。迅雷侵骨冷。
飛電透心明。海氣霑衾濕。江聲拍枕平。從今休禁火。一雨萬家生。是月初

二日火。二十日丑刻火。午刻復火。一月九三火。獨遺舍館及漕臺州治。故

有是句。張鎡湖南集。茂洪奉親携妾遷新館。戲贈。巷居南北喜相依。不

患逢秋得句稀。采擷正當黃菊早。登臨寧歎白雲飛。奉觴壽主歡宜洽。剪

髮邀賓志莫違。從此維摩方丈室。散花香滿荖萊衣。天聲館在松坡。

鸞鶴紛來下。天風駕月明。語言難道斷。不墮世間聲。蘋風館。山頭鷓

鴉。叫棕林雨。山下鷗移。芰花暑。開亭騁望豈固難。心迹雙閑罕儔侶。人生才

智非謀已。太息塵勞誰縛汝。圖回田畝役宵夢。近對烟霏可無語。耦耕植

杖千古賢我欲從之胡不然。坐到月來休返舍。旁寺有牀書并借。謁鼓
霄館。奉真祠宇並丹房。露下層壇夜未央。玉繡毬明依砌樹。翠鬢雲轉
罨爐香。何心輕舉氛塵外。但願閑居歲月長。却上竹輿歸去路。約齋燈認
隔林光。又。飈御纈來下。儲休答意虔。雖無名宦達。林墅保長年。花仙
館。海棠。烟火心腸詠不真。風流嬌貴却無塵。何須更問花僊姓。便是扁
舟共載人。朝中措。重葺南湖堂館小。詞落成。先生心地等空虛。行
處幻仙都。點綴玲瓏花柳。翻騰窈窕規模。三杯兩盞。五言十字。遲老工
夫。受用南湖風月。何須更到西湖。王仁輔詩集。戊寅二月八日重贈外史
于玄文館。我愛玄真子。脩脩山澤癯。清茗立翡翠。長釣拂珊瑚。天際真
人想。山陰古畫圖。往來多勝士。還憶病潛夫。次韻貞居真人玄洲新館
十絕句。飛霞架海虹為梁。朔源似是乘槎張。蓬萊一笑又清淺。却駕飈
輪歸福鄉。沂口晴雲堆柳花。岡頭春筍拔鯨牙。青童遙指紫烟處。便是
良常玉斧家。絕知玄洲去人遠。洲上種橘復踈踈。明年橘熟大如斗。與
子深山同著書。已占菌山為畏壘。更規桃崦作菟裘。南華別有不貸圃。
說與至人當點頭。縹渺神霄三素雲。歸來白鶴嶺頭分。金璫玉佩難兄
弟。誰似茅家大小君。山中只聞揚與許。世上寧知梁復陳。雲蘿蔽虧秋

夜靜應。笑人呼。祁孔賓。天閔北。鑰九虎。守雲錦。飛梭雙鳳銜。夫君翰墨
有靈氣。宜鎮此山藏。王函良常新。官年劫多。玄卿文采被。岩阿從。渠山
鬼著薜荔。如此道士冰。絮何童初群。仙列官府。檢校華陽第八天。有人
散髮玄洲上。松下拋書清晝眠。華陽外史過南岳。筆妙詩精窺化工。較
似瑤林清幾許。鶴臺高處聽松風。張文潛宛丘集。至後早起館。紅臘粧
梅冷未粘。柳條偷暖作。纖纖高樓殘白。誰家雪盡日。天寒不捲簾。城圍
殘雪寒催曉。宮近晴雲暖欲春。誰覺風光添一線。玉壺漏水報鷄人。許
同塵示張八侍郎避暑覽館中舊題絕句。俾之同作次韻。聚散人生集
渚鴻飛鳴邂逅一宵同。是非榮辱何勞問。共在邯鄲一枕中。李洪芸菴類
藁題華亭尉廳梅館。古梅瘦竹助蕭疎。剪雉蒿蓬亦甚都。報政未容須
五月。却尋踈影向西湖。掃徑開牕事事新。主人解組似行人。浮香弄影無
因得。試促花神作佐小春。張瀘濱詩集。是日歸館中作。一聲湖外咲掀
天。誰挽楊枝艤酒船。倚柱宛然聞鶴語。買花却不要犀錢。山陰擬去重為
客。路滑歸來亦悟禪。還訝春風無勾事。綠林吹血化紅鵲。江湖續集毛珣
題丹陽館。渡江第一南來驛。幾度華堂延鴈客。百年運逐曉雲空。愁
殺鞮官老無職。南徐今日古陽關。不斷歌聲祖離席。國讎已復事尤多。折

損年年春柳碧。李和父。夜發崑山問潮館。雲耿寒星路不明。問潮人起約三更。江風吹上一輪月。照動客船多少情。趙汝錡。午炊荊陽

一館甚雅。誰料三家市。能令兩眼明。花喧叢蝶戀。簷午亂鷄鳴。忙裏青春去。愁邊白髮生。搖鞭問歸路。更乞一旬晴。僧永頤。題秋館。林暑

漸消歇。爽氣浮高松。風蟬有遺響。露花結秋紅。微月出東嶺。碧雲散遐穹。暮館正虛寂。泉聲雜鳴蟲。詩海繪章劉景文。早發承甫館寄登州待制

水亭瀟洒離塵開。一醉扁舟載月迴。馬首西歸懷底事。只隨曉日望蓬萊。楊行敏奉使到建州。郡將輕忽。慙恨中題東青館。駑駘嘶叫知無

足。騏驥低垂自有心。山上高松溪畔竹。清風纔動是知音。杜鵑花裏杜鵑啼。淺紫深紅更傍溪。遲日霽光搜客思。曉來山路恨如迷。江湖前賢小

集拾遺宋邵子文。過渭城館。又將鞍馬送殘春。吹盡征衣染盡塵。還是前年舊時候。渭城花柳一番新。東堂先生詩集次韻蔡成允題餘英館

故第園林改。遺亭壁戶新。垂虹一橋月。夾繡兩隄春。花落俯流水。鳥啼懷昔人。憑欄看翠苻。無意數游鱗。江湖後集李時黃岡寓館作。閑居迎

送少日對小山橫。雨過秋陽減。天虛夜氣清。候虫依壁韻。野火隔谿明。迢遞誰家笛。西風一雨聲。鄧紳伯詩集留通商館數日。商館非閑地。閑人

偶在旁。無端聲利役。有許去來忙。受雨芭蕉響。懷風擺棹香。江郊秋易盛。
早獻十分涼。洞天留題集。徐沖淵被命。通明館洒掃。聖恩寬大放。還鄉。
便著草鞵挑鉢囊。中路忽逢天柱詔。一行令侍玉皇香。浮舟載月茗溪上。
倚杖瞻雲魏闕旁。身到通明上頭館。好山驚見暮蒼蒼。逋客還山一笑。
哈。故人憐我不嫌猜。曉猿夜鶴總歡喜。蕙帳草堂相與開。可為雨芽煙巖。
住。直緣流水古松來。枝巢若許鷓鴣借。投老此生真快哉。任松卿集己丑。
兵後陳茂陽歸自史館。因寄城南諸公。已甘貧病老江隈。何況兵餘更。
劫灰。無可興言空日暮。不堪回首又秋來。短風驛樹潛呼鬼。小雨官渠半。
擁煤。心事瀰漫今握手。相看莫惜撚銀腮。大兒索飯小兒啼。旋折花鈿。
泣瘦妻。患難如山排日過。身名似水逐時低。野塘萍影魚千里。江路松陰。
薺一堤。亦有城南舊兄弟。久無一字草堂西。陳杰自堂存藁。秋熱抵信。上。
一歌。館壁張蘆鴈寒林。老火張成傘。柔金伏在鑪。正遮西日手。忽坐北。
風圖。霜葦條傲鴈。冰枝有噤烏。摩挲懷美獻。短策濟時無。是歲用八月殿。
試仇遠金淵集送李介甫赴官塘湯氏館。東廬山下義門中。弘開講席。
招蜀翁。主人擇客又擇主。童蒙求我我求童。俊傑識時審出處。道義結交。
全始終。惟應上墓似龐老。便合移家隨葛公。鄭元祐詩集題玄文館。秋。

水蒼龍出匣稀。鶴翎都化白雲歸。樹圍芸閣千章立。泉落風巖百派飛。服
日仍餐松屑飯。朝真時著藕絲衣。人間湯湯黃塵海。為借盧敖手一揮。傳
夢得西巖吟藁宿鎮江丹陽館。暫泊喜天晴。丹陽住晚程。半窓留月色。
隔岸送鍾聲。江繞金山寺。雲生鐵甕城。片帆催早發。莫待暗潮平。陳昭詩
集奉題貞居先生嗣真館。外史高懷誰與同。巢居新占鶴臺東。雲蒸老
樹皮毛外。人住深山肺腑中。霞架海空馴猛虎。颺輪峯近接冥鴻。懸知好
古心無已。宴坐神交展上公。吳頤全谿集明逸宣義披仙館。弟兄相踵
上青冥。遺跡空餘壓郡城。似惜高風久零落。故開華館面崢嶸。樓臺宛轉
明朝日。圖史紛披照短檠。疑有雙鳧求紫府。簷間時送步虛聲。仙境清
閑識者稀。幾人來此學幽棲。紅泉瑤草春長在。流水桃花路弗迷。丹氣猶
涵階下井。遺蹤難認壁間題。祇憐星石今無恙。夜夜寒光北斗齊。番陽志
胡如墳。題舒嘯館。堤邊草色綠茸茸。堤上桃花落盡紅。細雨斜風三
月暮。一年春事客愁中。樓前春水碧彎環。柳外愁心千疊山。立盡殘陽
人不見。東風無賴莫凭闌。周邦彥清真集晚憇杜橋館。寒茅悄悄鷄啄
場兒啼。索衣天墮霜。密林漸放山色入。楓枯振槁聲琅琅。清漿白羽棄已
久。黃菊紫萸看欲香。歲行及此去愈疾。若決積水難隄防。嗟予齒髮非故

物念此內熱如涓湯。願見唐朝呂墨客。鄰行問道求神方。齋心千日百事畢。消我領雪還韶光。豈饒蒿目憂世事。黃金縮腰埋土壤。王元粹詩集再到秦館。秋風吹蓬鬢。北渚且翱翔。誰言久棄置。復上君子堂。群書猶在几。曩座已移床。覓我舊行跡。閑砌亂苔蒼。丈夫有離合。義分明如霜。方同鷄避鶴。豈是鳳求凰。豈弟固善謹。衆口每難防。結懽愧初心。感激終未忘。濟濟門中彥。冠佩日輝光。但使居者安。勿為去者傷。蒲陽劉氏集。秋日會遠華館呈胡仲威。嶺表豈必熱。庚伏頻滂沱。薄莫辱招要。盆李參瓶荷。君侯如長松。折節交藤蘿。竒字識夏鼎。古音彈雲和。今日素商至。高屋涼意多。夜清群籟息。已有蛩鳴莎。人生不飲酒。賢愚同消磨。拍手問湘纍。獨醒欲如何。謬承青眼顧。詐惜蒼顏酡。客散我亦歸。耿耿看斜河。趙孟堅尋齋文編題高氏煙雨館。溟溟復靄靄。極望欲無涯。村遠如相合。天底若四垂。櫓聲因濕小。塔影被雲欺。不但長烟雨。陰晴有間時。人多晴晝至。此趣未應知。我獨身常寓。烟霏雨暗時。曠添波面闊。綠壓柳絲垂。勿有片帆過。驚飛雙鷺鷺。王萊龜湖集陶隱居上館。最上華陽館。淒涼豈舊基。山中為相日。樓上待僊時。精力凋文字。群居厭木芝。却輸元處士。薪爨得天知。朱松韋齋集宣和乙巳題野人陳氏之館。長安調鼎黑頭公。一旦

覆餗腰領紅。餽稻羹蔬三萬日。爭如且作多田翁。張南軒集和故舊招館
牢落詩盟寒欲灰。非君懷抱若為開。未闌罇酒論文意。拂榻應須有待
來。郭功父集寓館 一徑松陰合。重門院落深。客來聽鵲喜。春過惜鶯吟。
風月時經檻。塵埃不到襟。黃庭看在手。白雪任盈簪。中州集雷琯 信陵
館酒間作 閑過信陵飲。有懷信陵君。君去日已遠。誰怜把闔人。徑携一
壺酒。往酌公子墳。墳科久已平。墓木幾為薪。泉扉鎖長夜。千載不復晨。昔
與賢俊游。今為狐兔隣。豪貴竟安在。念之心紛紛。有生會歸盡。但恐後無
聞。此意不可必。且醉梁園春 維昔有迂叟。樹桐彼高岡。殷勤為封植。遂
欲棲鳳凰。桐生日已長。鳳來殊未央。維鳳覽德輝。非時詐來翔。枝幹枯已
死。志願終莫償。憶在西周初。飛下岐之陽。裴回不能去。和鳴聲鏘鏘。文王
既已沒。千載徽音亡。咄爾叟何為。而欲發其光。空令枯株上。日晏啼鴛鴦。
趙內翰可 雲興館曉起 雙旌晚泊雲興館。對面高峯絕可人。一夜
山雲飛作雪。要誇千樹玉嶙峋 張翰 奉使高麗過平州館 昨日龍
泉已自竒。一峯寒翠壓簷低。并無未似平州館。屋上層巒屋下溪。貢泰父
集題周鍊師雲臺真館 二十八將已仙去。真館有臺名偶同。白鶴千年
來故國。青山萬壘起神宮。有時採藥幽澗底。無事種花深谷中。昨夜曾携

龍虎出。一壇明月滿。旗風黃建可。集宿黃州館。怨長夜。兮風蕭蕭。帳公
子。兮路迢迢。烟雲不敢蔽。白日。宇宙頓覺回。清朝。但令心事忍。羈旅。未可
壯士甘漁樵。嗚呼四歌。兮歌再發。人影在地。見明月。吳仲孚集。送祝五戒
赴陸宰館。屈指交游十載餘。見君歸墨。又歸儒。盧能解道。元無物。顏子
誰知也不愚。既向風幡明表裏。何須雪几費工夫。他年名上登科記。一半
清芬在祖圖。元劉文貞公集。宿秋館。客舍蕭條動客情。飛螢箇箇傍牕
明。樓頭鼓角風吹斷。漏下銅壺第一聲。劉靜脩集。水北道館。會從氣朗
看春朝。始信蘭亭水石遙。物外壺公能避世。山中巢父不知堯。波間明月
隨吾取。松上白雲如見招。曉策重來有成約。無妨談易對漁樵。舒岳祥閣
風集。和正仲賦重修篆畦亭館韻。亭館成來三十年。主人頭白與扶顛。
已誅薦莽開瓜圃。更剪芟蘆浚藕田。竹下鳴琴長憶鶴。花邊釀酒擬留仙。
今知煩惱都無用。脩短隨緣一任天。洞天清錄張韞。題漱玉館。拳石
漱芳玉。夢回堪洗耳。客至館於斯。妙處從此始。王宗賢同前寓館欣傳
漱玉名。泉流古竇響琮琤。幽牕偃息驚回夢。誤聽虛簷雨滴聲。陳洵直
游大滌。假宿鳴玉館。偶成。風動歸雲清。日落衆山楚。重來興彌深。託宿
此何所。浪浪鳴玉泉。恍恍對床雨。夢斷身高低。塵勞深夜語。元王惲秋澗

集墳館詩 德澤涵濡得二難。百年祠館見遺安。蒼蒼一片墳臺石。留在
行人下馬看。藍靜之藍山集送林彥明赴浦城館 君來別我意何如。絳
帳談經席久虛。南浦春風波浩蕩。西山曉色樹扶疎。諸生鵠立詢奇字。道
士鵝群換草書。他日相思川路遠。祇憑尺素寄雙魚。 多材未許山中隱。
此日隣邦遣幣迎。題扇每傳王逸少。賣文今送斛斯明。晴空野鶴將雛遠。
遲日林鶯喚友鳴。茆屋石田生計在。春風暫與閉柴荆。藍性之詩集宿靈
峰館 獸夜愁無寐。四更風露寒。茆亭下殘月。松子落空山。世亂英雄隱。
途窮跋涉難。欲尋黃綺輩。長嘯白雲間。曹伯啓漢泉集題乙酉館 束帶
連朝見督郵。簿書形役又經秋。緬思彭澤歸來客。何事無人管去留。 或
有處閑言寂寞。冗官往往厭紛如。誰能遂我還鄉意。便把微官乞與渠。袁
易靜春堂藁送陳天民之琴川館 邂逅相逢十日飲。東陂南浦正遨遊。
無端又話雙橋別。喚起文通一段愁。 子游已往微言絕。末學紛紛過眼
多。公輩定應興禮樂。邑人猶解誦絃歌。呂濬集辛巳抵京泊福安館 山
河左右護神畿。五色雲開瑞日遲。三百餘年兔夢外。四千里路客遊時。車
書萬國來金闕。劔佩千官拜玉墀。試上燕臺思往事。清風吹動鬢邊絲。虞
集道園學古錄赤城館 雷起龍門山。雨灑赤城館。蕭騷山木高。浩蕩塵

路斷魚龍喜新波。燕雀集虛幔。開戶微風興。倚杖衆雲散。伍良臣中流一
壺集寓館。寓館無定端。誅茅傍江路。架屋八九間。逾月始完固。聊回蔽
風雨。况復傷朴素。川光浮瀲艷。巖麓鬱盤互。清陰動脩竹。綠影蔭佳樹。玄
鶴期不來。平蕪但烟霧。尊酒酌餘春。落花滿庭戶。至餘干麻田烏季言
郎中寓所。辱為假館甚佳。奉東以酬餽慰之意。烏侯前餘干知州。下榻
塵囂外。青軒俯碧池。松醪隨玉粒。海錯疊銀絲。旭日當凶好。開雲出岫遲。
幽棲興無盡。未見因驅馳。程公許滄洲。塵在編贈山老借館。三生雲水
僧。失脚困下吏。每逢道人語。莫逆猶夙嗜。况茲法龍象。共飲良有味。寶坊
寄囂氛。一室淡如水。蹇驢劣馳騫。入門輒心醉。向來蠶楚塵。火急湏前洗
淨名方丈室。逼塞諸天侍。可恡一毫端。借我容膝地。從來支許交。清真遺
世累。團蒲與茗椀。共談第一義。行至羅江。以代者爽期。得史者書。復還
涪濱。徑走富樂山中借館。瞻雲日懷歸。及瓜法當代。喜同緇鷹掣。翻作
風鷁退。誓言不可寒。幽賞夙所愛。但恐彼上人。雄辨費酬對。淋浪一日
雨。浩蕩千巖秋。莞彼石澗水。犇霆撼林立。湏臾忽歛縮。幽咽鏘琳瓊。混混
須有本。萬古江河流。山中何樂淹留不復嘆。濯足澗泉碧。洗耳松風
寒。清磬度林杪。枯禪兀蒲團。拙不會參請。幸勿催抽單。宋本至治集至治

二年中秋。與達兼善觴于謝月海寓館。坐客林彥廣者。吹洞簫。酌玻璃盃。以銀葉藝素馨香。因賦五絕句。館在北澄清下閘橋下。露洗纖阿海氣開。謝家池館禁墻隈。當筵嫌殺鼙鼙鼓。却是河聲席下來。漢家宮闕夜連雲。九陌無燈露裊塵。玉宇瓊樓端正月。短鞞烏帽太平人。紫烟如紙剪頗黎。裊裊素馨噴寶猊。文武火銷銀焙冷。聖朝酒盡玉繩低。何處人間尺五天。宮墻東北市河邊。景陽更漏隨風落。醉傲金吾未肯眠。李摹風調數前朝。偷得新聲插徧橋。一種宮墻太平夜。才情何似鳳凰蕭。劉將孫養吾集臨川學館。空庭積雨霽。月色如新沐。團團桂影間。粲粲一方玉。栖鳥各安枝。微風不驚木。徘徊真可浴。倒浸意亦足。欲語四無人。鳴蛩伴孤宿。傅與礪詩集宿揭公館。旅舍塵都滿。齋居意自幽。花時晴獨往。樹底暮相留。詩許家僮學。書從坐客求。何因謝拘束。來往客東頭。揭曼碩集題江道士清虛館。遺紛極玄覽。宴坐白玉京。日月朗朝夕。河漢流無聲。冉冉兩玉童。雙吹紫鸞笙。下視九子州。浮以四大瀛。萬劫猶一瞬。逍遙樂泰清。吳禮部集溪山仙館圖。平川漾輕舟。蒼石擁高樹。煙中連嶂斷。林際飛薨露。茲宇誰所營。列仙實來聚。我生戀溪谷。忽去踏塵路。坐恐孤夙期。臨風恍延停。寄題留山道館。幾處燒丹詫。葛翁留山今復見新。

宮。神仙自愛無人識。樓館誰令有路通。碧水帶花來洞口。玉笙隨鶴度雲
中。更尋履石依稀迹。轉覺幽深興未窮。葛公坑。山水幽邃。有石上履跡勾
曲外史張伯雨。冬十一月。菌山脩嗣真館成。製十絕句以自見。宗真館
主在齊梁。廼有元之吳郡張。相望八百四十載。我歸鶴臺如故鄉。望見
飛簷松杪花。下盤陰洞石聳牙。老樵迷路驚相問。若个仙人道士家。風
水所言唯理氣。眼明此術未全疎。景純解道遊仙句。信是青囊有異書。
縹緲洞庭連白雲。綠橘黃柑能見分。昨日扁舟尋好事。明年處士比封君。
肯借山下步障錦。與作天下庇寒裘。三尺窓櫺萬株木。不怕寒霜到上
頭。谷口堇堇一庵住。壇上纍纍白石陳。杖隨流水過隣舍。席與長松分
主賓。俱倚茅君為座主。從稱外史作官街。道家六經發願寫。深向石頭
藏一函。屋壁置書碑板多。雄虹光怪鳳皇阿。看到深山十日雪。竈突無
烟柰爾何。祇有天公堪可倚。我作巢居名倚天。未必高虛無事業。負日
讀書兼打眠。龍虎山中薛元子。瓊樓築臺詩亦工。應接菌山聊爾耳。非
關千里事同風。題溪山仙館。掃地松花帶石泉。丹崖第宅幾何年。唯
應玉女牕前月。夢到方諸一握天。雨宿玄文館。懷惠山。十日閉春院。
草積青苔厚。梢止侵窓雨。爭鳴決渠溜。想見螭口泉。玉色動闌甃。便尋雙

飛鳥翻飛入烟岫。題紫芝館。芝生玄嶺隅。置之讀書堂。雖然照乘珠。幽谷有耿光。我聞隆漢日。丹碧生下房。小草不異者。予以表時康。滕仲禮詩集。張文吉。霍守道。授館宗道。以二子從之。學禮意甚腆。紫山秋澗皆有詩。以稱之。昌道復有文以贊之。故題其後。山澗新詩正始音。妙峰數語亦良箴。得人傳道資師意。願子為賢父母心。寸晷要知輕尺璧。一經端可勝籛金。仲舒學貫天人際。發藻行看桂滿林。陸子方集贈曹德玉子遠。卿父子同赴錫山館。故籛無黃金。子弟政欲佳。芬香聞數里。譬若蘭當堦。念昔登高門。始見玉在懷。顧余齒髮盡。嘆子頭角垂。妙齡探學海。浩博無津涯。翁季遙相望。燈雪分一齋。翳翳山陽木。春風幾時回。嫋嫋北堂萱。日暮意悠哉。游方非遠道。心動數歸來。張翥蛻菴集。雲臺真館為上清。周用章作。突兀中天積翠遙。曾臺宛似鬱羅蕭。清池曉浴丹如火。白石春畊玉有苗。此地來龍如可築。它年歸鶴底須招。只應月夜游仙侶。時復吹笙下紫霄。七月一日之集慶。望日次錫山。宿玄文館。海月光芒濕。川雲意緒閑。剛風浮地外。元氣滿人間。野榜歌相答。漁燈去不還。電明知有雨。只在九龍山。戴石屏詩集。題道旁館。道旁誰是館。借我駐高軒。翁媪出迎客。兒童為掃門。好花羅石洞。遠水沒雲根。儻遂卜隣約。為農此老村。僧

泐全集 題青山仙館圖 碧嶂藥珠宮。緣崖紉路通。黃猿依木客。白鹿
引金童。海上無方丈。人間有閬風。畫圖真妙術。縮地似壺公。 國朝張益
兼集湖山新館寄方允叔 溪上新居次第成。湖山深處最關情。半堤楊
柳猶春色。六月菰蒲自雨聲。陶令田園歸後計。杜陵詩酒古來名。羨君得
遂幽棲趣。莫為新詩大瘦生。宜春志將歸。宜春留題新安館 東里如今
號鄭鄉。西家昔日近丘墻。芸臺四部添新學。秘殿三年學老郎。天外鴛鸞
愁不見。山中雲鶴喜相忘。猶張阜蓋歸蓬華。直謂時無許子將。餘干志章
綸庚子冬夜宿郡館懷白從古 高館天寒霜露濃。思君深隱翠微重。月
華繞樹無飛鵲。雲氣蟠泥有蝥龍。石鼎賦詩猶脫略。銀燈看劍每從容。孤
懷展轉不成寐。為發城頭半夜鍾。吳舜舉集過邨館 碧天涼透鴈啼霜
停策邨橋憇夕陽。田舍驚看集童冠。溪翁忻見具壺觴。侵軒翠篠喧喧淨
隔坐黃花冉冉香。別後不堪回首處。平原烟樹接蒼茫。劉須溪集青山和
前韻憶舊時學館。因復感慨同賦 綺寮怨 漫道十年前事。悶懷天又
陰。何須恨典了西湖。更笑君宴罷瓊林。閑時數聲啼鳥。淒然似上陽宮女
心。記斷橋急管危絃。歌聲遠。玉樹金縷沉。看萬年枝上禽。徊徨落月。斷
腸理絕。絃琴魂夢追尋。揮淚賦白頭吟。當年未知行樂。無日夜望鄉音。何

集墳館詩 德澤涵濡得二難。百年祠館見遺安。蒼蒼一片墳臺石。留在
行人下馬看。藍靜之藍山集送林彥明赴浦城館 君來別我意何如。絳
帳談經席久虛。南浦春風波浩蕩。西山曉色樹扶疎。諸生鵠立詢奇字。道
士鵝群換草書。他日相思川路遠。祇憑尺素寄雙魚。 多材未許山中隱。
此日隣邦遣幣迎。題扇每傳王逸少。賣文今送斛斯明。晴空野鶴將雛遠。
遲日林鶯喚友鳴。茆屋石田生計在。春風暫與閉柴荆。藍性之詩集宿靈
峰館 獸夜愁無寐。四更風露寒。茆亭下殘月。松子落空山。世亂英雄隱。
途窮跋涉難。欲尋黃綺輩。長嘯白雲間。曹伯啓漢泉集題乙酉館 束帶
連朝見督郵。簿書形役又經秋。緬思彭澤歸來客。何事無人管去留。 或
有處閑言寂寞。冗官往往厭紛如。誰能遂我還鄉意。便把微官乞與渠。袁
易靜春堂藁送陳天民之琴川館 邂逅相逢十日飲。東陂南浦正遨遊。
無端又話雙橋別。喚起文通一段愁。 子游已往微言絕。末學紛紛過眼
多。公葦定應興禮樂。邑人猶解誦絃歌。呂濬集辛巳抵京泊福安館 山
河左右護神畿。五色雲開瑞日遲。三百餘年兔夢外。四千里路客遊時。車
書萬國來金闕。劍佩千官拜玉墀。試上燕臺思往事。清風吹動鬢邊絲。虞
集道園學古錄赤城館 雷起龍門山。雨灑赤城館。蕭騷山木高。浩蕩塵

瘡

洪武正韻古緩切。病也。又去聲。爾雅瘡。瘡病也。郭璞注。賢人失志。懷憂病也。邢昺疏釋曰。小雅杖杜云。四牡瘡瘡。毛傳云。瘡瘡。罷貌。又大雅板篇云。靡聖管管。毛傳云。管管。無所依也。顧野王玉篇作瘡。公玩切。張參五經文字瘡。疲敝貌。見詩小雅司馬光類篇。又古玩切。吳棫韻補瘡。叶音古轉切。毛詩。檀車憚憚。四牡瘡瘡。征夫不遠。婁機廣干祿字音管。又音貫。皆病也。楊桓六書統見母。瘡。瘡。官聲。瘡。隸。瘡。或从瘡聲。瘡。隸。熊忠韻會舉要。角清音張子敬。經史字源韻畧古滿。篆。瘡。集韻杜从古集。切韻會定正字切。見管。見經堅瘡。書。瘡。篆。瘡。古文韻海。

瘡

六書

瘡

並六

瘡

鮮于樞草

幹

洪武正韻古緩切。運也。轉也。賈誼賦。幹流而遷。又曰。幹棄周鼎。而寶康瓠。又曷韻。婁機廣干祿字。幹音管。戴侗六書故。幹古欵切。旋斗也。引之則凡。旋運者皆曰幹。又烏括切。彊幹也。說文曰。蠡柄也。楊雄杜林皆以為輶車。輪幹。幹乃从斗。輪幹非本義。歐陽德隆押韻釋疑。顏曰。轉也。音管在此。漢貨志。幹鹽鐵。又幹運。山海之貨。皆音管在此。入聲者非。郭守正紫雲韻。漢幹官鐵市兩長丞。如曰主均輸之官。趙謙聲音文字通。幹見芻切。見曷韻。

此方音韻會定正字
切見管見經堅幹

篆
書 𠄎 集韻杜从古集
篆古文韻海

六書
故 𠄎

草 鮮于樞草
書 𠄎 書集韻

惓

洪武正韻古緩切憂也亦作寔又去聲許慎說文惓从心官聲又古玩切
陸法言廣韻寔寔憂無告詩傳云寔寔無所依又音灌主駕官又音官丁
度集韻寔寔無依也一曰憂也或書作惓鄭樵六書畧寔別聲轉注婁機
廣干祿字寔惓上正下通楊桓六書統見母惓統聲惓書或如此熊忠韻
會舉要角清音趙謙聲音文字通寔見寔切見去聲此方音作惓瘡非
今詩四牡瘡瘡合正爾雅瘡病俗字韻會定正字切見管見經堅惓

篆 集韻見杜从古
書 集篆古文韻海

六書隸
統 書 惓

六書
統 寔

草 鮮于樞見
書 草書集韻

腕

腕

古緩切許慎說文腕胃府也从肉完聲讀若患舊云脯古卯切顧野王
玉篇腕胃腕也腕同上又人陰異呼也丁度集韻一曰即胃脯漢殖貨傳

濁氏以胃脯連騎。又戶版切。肉也。張有復古編。聲相類。腕。簡。簡。並古滿切。上腕。胃府也。中管如篴。六孔。从竹。官。下筦。筦也。从竹。完。戴侗六書故胃之上屬於喉。受水穀者曰腕。本作管。伯曰臍上。有上中下三腕。別作脛。釋行均龍龕手鑑。又胡板反。正作腕。腕。音管。肥腕。楊桓六書統見母。腕。統聲。腕。隸。腕。或从官聲。腕。隸。趙謙聲音文字通見。腕切。

篆 集韻見杜。从古。 腕。徐鉉六書。 書 集篆古文韻海。 腕。篆韻。 腕。統。 腕。篆韻。

隸 並六。 腕。書統。 腕。書統。

鞞 古。緩切。許慎說文。鞞。車鞞具也。从革。官聲。古滿切。徐錯通釋。猶今鑄頭色也。吉。挽反。釋行均龍龕手鑑。鞞。今鞞。正音管。楊桓六書統見母。趙謙聲音

文字通。 篆 徐鉉。 見。筦切。 書 篆韻。

逴 古。緩切。楊雄方言。轉也。音換。又管丁度集韻。爾雅。逃也。揚桓六書統見母。逴。胡玩切。統聲。逴。隸。

篆書 **𧄸** 六書 隸書 **道** 六書

棺 古緩切顧野王玉篇公緩切袴襪也丁度集韻博雅
綉其棺謂之襜楊桓六書統見母棺从衣官聲棺隸

篆書 **𧄸** 六書 隸書 **棺** 六書

官 古緩切顧野王玉篇雨下蟲名司馬光類篇
古滿切楊桓六書統見母官从虫官聲官隸

篆書 **官** 六書 隸書 **官** 六書

浣 古緩切丁度集韻滌也史記身自浣滌劉
伯莊讀楊桓六書統見母浣原聲浣隸

篆書 **浣** 六書 隸書 **浣** 六書

閱 古緩切丁度集韻所以出鍵也通作管韓道昭五
音類聚古滿切楊桓六書統見母閱原聲閱隸

篆書

𪛗

六書統

隸書

𪛗

六書統

𪛗

古緩切韓道昭

五音類聚音管

古緩切字溱博

𪛗

義音管縣名

永樂大典卷之一萬一千三百十三

重錄總校官侍郎臣高拱

學士臣胡正蒙

分校官侍讀臣呂旻

書寫儒士臣吳子像

圈點監生臣蔣洲

臣歐陽卿

